

प्राकृत विद्या मंडल ग्रन्थांक-४

उ वा स ग द सा ओ

जैन-आगम-सप्तम-अङ्ग

ला

प्राकृत विद्या मंडल

ला. द. भारतीय संस्कृति विद्यामन्दिर

अहमदाबाद

१९६८

प्राकृत विद्या मंडल ग्रन्थांक-४

उ वा स ग द सा ओ

जैन-आगम-सप्तम-अङ्ग

प्राकृत विद्या मंडल

सा. द. भारतीय संस्कृति विद्यामन्दिर

अहमदाबाद

१९६८

प्रकाशक

दलसुख मालवणिया

वी. एम. शाह

मन्त्री

प्राकृत विद्या मण्डल

अहमदाबाद-९

ई. स. १९६८

प्रति ५००

मूल्य ००-७५

मुद्रक

वैद्यराज स्वामी श्री त्रिभुवनदासजी शास्त्री

श्री रामानन्द प्रिन्टिङ्ग प्रेस

कांकरिया रोड

अहमदाबाद-२२

प्रकाशकीय

प्राकृत भाषा और साहित्य के विद्यार्थियों को पाठ्य-पुस्तकें सुलभ कराने के उद्देश्य के पूर्तिरूप में यह चौथा ग्रन्थ 'उवासगदसाओ' जो कई विश्वविद्यालयों में निर्धारित है, प्रकाशित किया जा रहा है। छात्रों को अपने अध्ययन में यह ग्रन्थ सहायक होगा ऐसा हमारा विश्वास है।

इस ग्रन्थ के प्रकाशन में श्री लालभाई चिमनलाल शाह के सद्-प्रयत्नों से श्री शाहपुर मङ्गलपारेख खांचा जैन श्वेताम्बर मूर्तिपूजक संघ, अहमदाबाद १ के ज्ञान फंड की ओर से रु० ५०१ की आर्थिक सहायता मिली है। एतदर्थ प्राकृत विद्या मण्डल उनका आभार मानता है। अन्य ट्रस्ट भी अपने ज्ञान-फंड का इस दिशा में उपयोग करेंगे ऐसी हमारी आशा है।

इस ग्रन्थ का सम्पादन पं. बेवरदासजी दोशी ने किया है जो प्रा. वि. मण्डल के अध्यक्ष हैं। इसके लिए प्राकृत विद्या मण्डल उनका आभारी है। प्रूफ संशोधन कार्य में डॉ. के. ऋषभ चन्द्र ने सहायता की है इसलिए उनका भी आभार मानते हैं। इस ग्रन्थ का पहला फर्मा मङ्गल मुद्रणालय, रतन पोल और अन्य फर्मे रामानन्द प्रिन्टिङ्ग प्रेस ने छापे हैं इसके लिए उनके व्यवस्थापकों का भी आभार मानते हैं।

मन्त्री

ता. २६-१-६८

प्राकृत विद्या मण्डल

अनुक्रमणिका

प्रकाशकीय

उवासगदसासु	१-६२
पहमे भाणन्दे भज्जयणे	१
दुसरे कामदेवे भज्जयणे	१९
तइये चुलणीपियज्जयणे	२८
चउत्थे सुरादेवे भज्जयणे	३३
पञ्चमे चुल्लसयए भज्जयणे	३५
छट्ठे कुण्डकोलिए भज्जयणे	३६
सत्तमे सहालपुत्ते भज्जयणे	४०
अट्ठमे महासयए भज्जयणे	५२
नवमे नन्दिणीपिया भज्जयणे	६०
दसमे सालिहीपिया भज्जयणे	६०
उवासगदसाओ सूत्र—	
परिचय और टिप्पणियाँ	६३-६५

पढमे आणन्दे अज्झयणे

॥ उक्खेवो ॥

तेणं कालेणं तेणं समपणं चम्पा नामं नयरी होत्था ।
वण्णओ । पुण्णभ्हे चेइए । वण्णओ ॥ १ ॥

तेणं कालेणं तेणं समपणं अज्जसुहम्मे समोसरिए जाव
जम्बू पज्जुवासमाणे एवं वयासी-“ जइ णं, भन्ते ! समणेणं
भगवया महावीरेणं जाव संपत्तेणं छट्ठस्स अङ्गस्स नायाघ-
म्मकहाणं अयमट्ठे पण्णत्ते, सत्तमस्स णं, भन्ते ! अङ्गस्स
उवासगदसाणं समणेणं जाव संपत्तेणं के अट्ठे पण्णत्ते ? ”

एवं खलु, जम्बू ! समणेणं जाव संपत्तेणं सत्तमस्स
अङ्गस्स उवासगदसाणं दस अज्झयणा पण्णत्ता । तं जहा-
आणन्दे ॥ १ ॥ कामदेवे य ॥ २ ॥ गाहावइ-चुलणीपिया ॥ ३ ॥
सुरादेवे ॥ ४ ॥ चुल्लसयए ॥ ५ ॥ गाहावइ-कुण्डकोलिप
॥ ६ ॥ सहालपुते ॥ ७ ॥ महासयए ॥ ८ ॥ नन्दिणीपिया
॥ ९ ॥ सालिहीपिया ॥ १० ॥

“ जइ णं, भन्ते ! समणेणं जाव संपत्तेणं सत्तमस्स अङ्गस्स
उवासगदसाणं दस अज्झयणा पण्णत्ता, पढमस्स णं, भन्ते !
समणेणं जाव संपत्तेणं के अट्ठे पण्णत्ते ? ” ॥ २ ॥

एवं खलु, जम्बू ! तेणं कालेणं तेणं समपणं वाणियगामे
नामं नयरे होत्था । वण्णओ । तस्स वाणियगामस्स नयरस्स
बहिया उत्तरपुरत्थिमे दिसाभाए दूइपलासए नामं चेइए ।
तत्थ णं वाणियगामे नयरे जियसत्तू नामं राया होत्था ।
वण्णओ । तत्थ णं वाणियगामे आणन्दे नामं गाहावई परि-
वसइ. अइडे जाव अपरिभूए ॥ ३ ॥

तस्स णं आणन्दस्स गाहावइस्स चत्तारि हिरण्णकोडीओ
जिहाणपउत्ताओ, चत्तारि हिरण्णकोडीओ वड्ढिपउत्ताओ,

चत्तारि हिरण्णकोडीओ पवित्थरपउत्ताओ, चत्तारि वया
दसगोसाहस्सिएणं वणं होत्था ॥ ४ ॥

से णं आणन्दे गाहावई बहूणं राईसर जाव सत्थवाहाणं
बहूसु कज्जेसु य कारणेसु य मन्तेसु य कुडम्बेसु य गुज्जेसु
य रहस्सेसु य निच्छएसु य ववहारेसु य आपुच्छणिज्जे
पडिपुच्छणिज्जे सयस्स वि य णं कुडम्बस्स मेढी पमाणं
आधारे आलम्भणं चक्खू, मेढीभूए जाव सब्बकज्जवड्ढावए
यावि होत्था ॥ ५ ॥

तस्स णं आणन्दस्स गाहावइस्स सिवनन्दा नामं भारिया
होत्था, अहीण जाव सुरूवा । आणन्दस्स गाहावइस्स इट्ठा,
आणन्देणं गाहावइणा सच्चि अणुरत्ता अविरत्ता इट्ठा, सह
जाव पञ्चविहे माणुस्सए कामभोए पच्चणुभवमणी विह-
रइ ॥ ६ ॥

तस्स णं वाणियगामस्स बहिया उत्तरपुरत्थिमे दिसीभाए
पत्थ णं कोल्लाए नामं संनिवेसे होत्था, रिद्धत्थिमिय जाव
पासादिए ४ ॥ ७ ॥

तत्थ णं कोल्लाए संनिवेसे आणन्दस्स गाहावइस्स बहुए
मित्तनाइनियगसयणसंबंधिपरिजणे परिवसइ, अइडे जाव
अपरिभूए ॥ ८ ॥

तेणं कालेणं तेणं समएणं भगवं महावीरे जाव समोस-
रिए । परिसा निग्गया । कूणिए राया जहा तहा जियसत्तू
निग्गच्छइ, २ त्ता जाव पज्जुवासइ ॥ ९ ॥

तए णं से आणन्दे गाहावई इमीसे कहाए लद्धेट्ठे समाणे
“एवं खलु समणे जाव विहरइ, तं महाफलं, गच्छामि णं
जाव पज्जुवासामि” एवं संपेहेइ, २ त्ता ण्हाए सुद्धएपावेसाइं
जाव अएपमहग्घाभरणालंक्रियसरीरे सयाओ गिहाओ पडि-

णिकखमइ, २ ता सकोरेण्टमल्लदामेणं छत्तेणं धरिज्जमाणेणं मणुस्सवग्गुरापरिखित्ते पायविहारचारेणं वाणियगामं नयरं मज्झमज्झेणं निग्गच्छइ, २ ता जेणामेव दूइपलासे चेइए जेणेव समणे भगवं महावीरे, तेणेव उवागच्छइ, २ ता तिकखुत्तो आयाहिणं पयाहिणं करेइ, २ ता वन्दइ नमंसइ जाव पज्जुवासइ ॥ १० ॥

तए णं समणे भगवं महावीरे आणन्दस्स गाहावइस्स तीसे य महइमहालियाए परिसाए जाव धम्मकहा । परिसा पडिगया, राया य गए ॥ ११ ॥

तए णं से आणन्दे गाहावई समणस्स भगवओ महावीरस्स अन्तिए धम्मं सोच्चा निसम्म हट्टतुट्ट जाव एवं वयासी—‘सद्धहामि णं भन्ते ! निग्गन्थं पावयणं, पत्तियामि णं भन्ते ! निग्गन्थं पावयणं, रोपमि णं भन्ते ! निग्गन्थं पावयणं, पवमेयं भन्ते !, तहमेयं भन्ते !, अवितहमेयं भन्ते !, इच्छियमेयं भन्ते !, पडिच्छियमेयं भन्ते !, इच्छियपडिच्छियमेयं भन्ते ! से जहेयं तुब्भे वयह त्ति कट्टु जहा णं देवाणुप्पियाणं अन्तिए बहवे राईसरतलवरमाडम्बियकोडुम्बियसेट्टिसत्थवाहणपभिइया मुण्डा भविता अगाराओ अणगारियं पव्वइया, नो खलु अहं तहा संचापमि मुण्डे जाव पव्वइत्तए । अहं णं देवाणुप्पियाणं अन्तिए पञ्चाणुव्वइयं सत्तसिक्खावइयं दुवालसविहं गिहिधम्मं पडिबज्जिस्सामि ।’ अहासुहं, देवाणुप्पिया ! मा पडिबन्धं करेइ ॥ १२ ॥

तए णं से आणन्दे गाहावई समणस्स भगवओ महावीरस्स अन्तिए तएपढमयाए थूलगं पाणाइवायं पच्चक्खाइ—“जावज्जीवाए दुविहं तिविहेणं न करेमि न कारवेमि मणसा वयसा कायसा” ॥ १३ ॥

तयाणन्तरं च णं थूलगं मुसावायं पच्चक्खाइ-“जाव-
ज्जीवाप दुविहं तिविहेणं न करेमि न कारवेमि मणसा
वयसा कायसा ” ॥ १४ ॥

तयाणन्तरं च णं थूलगं अदिण्णादाणं पच्चक्खाइ-“जाव-
ज्जीवाप दुविहं तिविहेणं न करेमि न कारवेमि मणसा
वयसा कायसा ” ॥ १५ ॥

तयाणन्तरं च णं सदारसन्तोसोप परिमाणं करेइ-
“नन्नत्थ पक्काप सिवनन्दाप भारियाप, अवसेसं सव्वं मेहुण-
विहिं पच्चक्खामि ३ ” ॥ १६ ॥

(तयाणन्तरं च णं इच्छाविहिपरिमाणं करेमाणे, हिरण्णसु-
वण्णविहिपरिमाणं करेइ-“नन्नत्थ चउहिं हिरण्णकोडीहिं
निहाणपउत्ताहिं, चउहिं वड्ढिपउत्ताहिं, चउहिं पवित्थरपउ-
त्ताहिं, अवसेसं सव्वं हिरण्णसुवण्णविहिं पच्चक्खामि ३” ॥ १७ ॥

तयाणन्तरं च णं चउण्णयविहिपरिमाणं करेइ-“नन्नत्थ
चउहिं वपहिं दसगोसाहस्सिपणं वपणं अवसेसं सव्वं
चउण्णयविहिं पच्चक्खामि ३ ” ॥ १८ ॥

तयाणन्तरं च णं खेत्तवत्थुविहिपरिमाणं करेइ-“नन्नत्थ
पञ्चहिं हलसपहिं नियत्तणसइपणं हलेणं, अवसेसं सव्वं
खेत्तवत्थुविहिं पच्चक्खामि ३ ” ॥ १९ ॥

तयाणन्तरं च णं सगडविहिपरिमाणं करेइ-“नन्नत्थ
पञ्चहिं सगडसपहिं दिसायत्तिपहिं, पञ्चहिं सगडसपहिं
संवाहणिपहिं, अवसेसं सव्वं सगडविहिं पच्चक्खामि ३” ॥ २० ॥

तयाणन्तरं च णं वाहणविहिपरिमाणं करेइ-“नन्नत्थ
चउहिं वाहणेहिं दिसायत्तिपहिं, चउहिं वाहणेहिं संवाहणि-
पहिं, अवसेसं सव्वं वाहणविहिं पच्चक्खामि ३ ” ॥ २१ ॥

तयाणन्तरं च णं उवभोगपरिभोगविहिं पच्चक्खामिमाणे
उल्लणियाविहिपरिमाणं करेइ-“नन्नत्थ पगाप गन्धकासा-
ईप, अवसेसं सव्वं उल्लणियाविहिं पच्चक्खामि ३” ॥२२॥

तयाणन्तरं च णं दन्तवणविहिपरिमाणं करेइ-“नन्नत्थ
पगेणं अल्ललट्टीमडुपणं, अवसेसं दन्तवणविहिं पच्चक्खामि
३ ” ॥ २३ ॥

तयाणन्तरं च णं फलविहिपरिमाणं करेइ-“ नन्नत्थ
पगेणं खीरामलपणं, अवसेसं फलविहिं पच्चक्खामि ३” ॥२४॥

तयाणन्तरं च णं अब्भङ्गणविहिपरिमाणं करेइ-“नन्नत्थ
सयपागसहस्सपागेहिं तेल्लेहिं, अवसेसं अब्भङ्गणविहिं
पच्चक्खामि ३” ॥ २५ ॥

तयाणन्तरं च णं उव्वट्टणविहिपरिमाणं करेइ-“नन्नत्थ
पगेणं सुरहिणा गन्धवट्टणं, अवसेसं उव्वट्टणविहिं पच्च-
क्खामि ३ ” ॥ २६ ॥

तयाणन्तरं च णं मज्जणविहिपरिमाणं करेइ-“नन्नत्थ
अट्टहिं उट्टिपहिं उदगस्स घडपहिं, अवसेसं मज्जणविहिं
पच्चक्खामि ३” ॥ २७ ॥

तयाणन्तरं च णं वत्थविहिपरिमाणं करेइ-“नन्नत्थ
पगेणं खोमजुयलेणं, अवसेसं वत्थविहिं पच्चक्खामि ३” ॥२८॥

तयाणन्तरं च णं विलेवणविहिपरिमाणं करेइ-“नन्नत्थ
अमरुकुडुमचन्दामादिपहिं, अवसेसं विलेवणविहिं पच्च-
क्खामि ३” ॥ २९ ॥

तयाणन्तरं च णं पुप्फविहिपरिमाणं करेइ-“नन्नत्थ
पगेणं सुद्धपउमेणं मालइकुसुमदामेणं वा, अवसेसं पुप्फ-
विहिं पच्चक्खामि ३ ” ॥ ३० ॥

तयाणन्तरं च णं आभरणविहिपरिमाणं करेइ-“ नन्नत्थ मट्टकण्णेज्जपहिं नाममुहाप य अवसेसं आभरणविहिं पच्चक्खामि ३” ॥ ३१ ॥

तयाणन्तरं च णं धूवणविहिपरिमाणं करेइ-“ नन्नत्थ-अगरुतुरुक्कधूवमादिपहिं, अवसेसं धूवणविहिं पच्चक्खामि ३” ॥ ३२ ॥

तयाणन्तरं च णं भोयणविहिपरिमाणं करेमाणे, पेज्ज-विहिपरिमाणं करेइ-“नन्नत्थ पगाप कट्टपेज्जाप, अवसेसं पेज्जविहिं पच्चक्खामि ३” ॥ ३३ ॥

तयाणन्तरं च णं भक्खविहिपरिमाणं करेइ-“नन्नत्थ पगेहिं घयपुण्णेहिं, खण्डखज्जपहिं वा अवसेसं भक्खविहिं पच्चक्खामि ३” ॥ ३४ ॥

तयाणन्तरं च णं ओदणविहिपरिमाणं करेइ-“नन्नत्थ कलमसालिओदणेणं, अवसेसं ओदणविहिं पच्चक्खामि ३” ॥ ३५ ॥

तयाणन्तरं च णं सूवविहिपरिमाणं करेइ-“नन्नत्थ कलायसूवेण वा मुग्गमाससूवेण वा, अवसेसं सूवविहिं पच्चक्खामि ३” ॥ ३६ ॥

तयाणन्तरं च णं घयविहिपरिमाणं करेइ-“नन्नत्थ-सारइपणं गोघयमण्डेणं, अवसेसं घयविहिं पच्चक्खामि ३” ॥ ३७ ॥

तयाणन्तरं च णं सागविहिपरिमाणं करेइ-“ नन्नत्थ-वत्थुसापण वा सुत्थियसापण वा मण्डुक्कियसापण वा, अव-सेसं सागविहिं पच्चक्खामि ३” ॥ ३८ ॥

तयाणन्तरं च णं माहुरयविहिपरिमाणं करेइ-“नन्नत्थ पणेणं पालकामाहुरपणं, अवसेसं माहुरयविहिं पच्चक्खामि ३” ॥ ३९ ॥

तयाणन्तरं च णं जेमणविहिपरिमाणं करेइ-“नन्नत्थ सेहंबदालियंवेहिं, अवसेसं जेमणविहिं पच्चक्खामि ३” ॥ ४० ॥

तयाणन्तरं च णं पाणियविहिपरिमाणं करेइ। “नन्नत्थ पणेणं अन्तलिकखोदपणं, अवसेसं पाणियविहिं पच्चक्खामि ३” ॥ ४१ ॥

तयाणन्तरं च णं मुहवासविहिपरिमाणं करेइ-“नन्नत्थ पञ्चसोगन्धिपणं तम्बोलेणं, अवसेसं मुहवासविहिं पच्चक्खामि ३” ॥ ४२ ॥

तयाणन्तरं च णं चउव्विहं अणट्टादण्डं पच्चक्खाइ-तं जहा-अवज्झाणायरियं, पमाथायरियं, हिंसपपायणं, पाव-कम्मोवपसे ॥ ४३ ॥

इह खलु “आणन्दा!” इ समणे भगवं महावीरे आणन्दं समणोवासगं एवं वयासी-“एवं खलु, आणन्दा! समणो-वासणं अभिगयजीवाजीवेणं जाव अणइक्कमणिज्जेणं सम्म-त्तस्स पञ्च अइयारा पेयाला जाणियव्वा, न समायरियव्वा-तं जहा-सङ्का, कंखा, विइगिच्छा, परपासण्डपसंसा, पर-पासण्डसंथवे ॥ ४४ ॥

तयाणन्तरं च णं थूलगस्स पाणाइवायवेरमणस्स समणो-वासणं पञ्च अइयारा पेयाला जाणियव्वा, न समायरि-यव्वा-तं जहा-बन्धे, वहे, छविच्छेप, अइभारे, भत्तपाण-वोच्छेप । १ ॥ ४५ ॥

तयाणन्तरं च णं थूलगस्स मुसावायवेरमणस्स पञ्च

अह्यारा जाणियव्वा, न समायरियव्वा-तं जहा-सहसा-
भक्खाणे, रहसाभक्खाणे, सदारमन्तभेप, मोसोवपसे,
कूडलेहकरणे । २ ॥ ४६ ॥

तयाणंतरं च णं थूलगस्स अदिण्णादाणवेरमणस्स पञ्च
अह्यारा जाणियव्वा, न समायरियव्वा-तं जहा-तेणा-
ह्वे, तक्करप्पओगे, विरुद्धरज्जाइक्कमे, कूडतुलकूडमाणे,
सप्पट्ठिरुवगववहारे । ३ ॥ ४७ ॥

तयाणन्तरं च णं सदारसन्तोसीप पञ्च अह्यारा जाणि-
यव्वा, न समायरियव्वा-तं जहा-इत्तरियपरिग्गहिया-
गमणे, अपरिग्गहियागमणे, अणक्ककीडा, परविवाहकरणे,
कामभोगा तिव्वाभिलासे । ४ ॥ ४८ ॥

तयाणन्तरं च णं इच्छापरिमाणस्स समणोवासपणं पञ्च
अह्यारा जाणियव्वा, न समायरियव्वा-तं जहा-खेत्त-
वत्थुपमाणाइक्कमे, हिरणसुवण्णपमाणाइक्कमे, दुपयचउप्पय-
पमाणाइक्कमे, धणधन्नपमाणाइक्कमे, कुवियपमाणाइक्कमे । ५
॥ ४९ ॥

तयाणन्तरं च णं दिसिवयस्स पञ्च अह्यारा जाणियव्वा
न समायरियव्वा-तं जहा-उड्ढदिसिपमाणाइक्कमे, अहो-
दिसिपमाणाइक्कमे, तिरियदिसिपमाणाइक्कमे, खेत्तवुड्ढो,
सइअन्तरद्धा । ६ ॥ ५० ॥

(तयाणन्तरं च णं उवभोगपरिभोगे दुविहे पण्णत्ते-तं
जहा-भोयणओ य कम्मओ य । तत्थ णं भोयणओ सम-
णोवासपणं पञ्च अह्यारा जाणियव्वा, न समायरियव्वा-
तं जहा-सच्चित्ताहारे, सच्चित्तपडिबद्धाहारे, अप्पउलिओ-
सहिभक्खणया, दुप्पउलिओसहिभक्खणया, तुच्छोसहि-
भक्खणया । कम्मओ णं समणोवासपणं पण्णरस्स कम्मादाणां

जाणियव्वाहं, न समायरियव्वाहं-तं जहा-इक्कालकम्मे, वणकम्मे, साडीकम्मे, भाडीकम्मे, फोडीकम्मे, दन्तवाणिज्जे, लकखावाणिज्जे, रसवाणिज्जे, विसवाणिज्जे, केसवाणिज्जे, जन्तपीलणकम्मे, निल्लंछणकम्मे, दवगिदावणया, सरदह-तलावसोसणया, असईजणपोसणया । ७ ॥ ५१ ॥

तयाणन्तरं च णं अणट्ठादण्डवेरमणस्स समणोवासपणं पञ्च अइयारा जाणियव्वा, न समायरियव्वा-तं जहा-कन्दप्पे, कुकुप, मोहरिप, संजुत्ताहिगरणे, उवभोगपरिभो-गाइरिसे । ८ ॥ ५२ ॥

तयाणन्तरं च णं सामाइयस्स समणोवासपणं पञ्च अइ-यारा जाणियव्वा, न समायरियव्वा-तं जहा-मणदुप्पडि-हाणे, वयदुप्पडिहाणे, कायदुप्पडिहाणे, सामाइयस्स सइ-अकरणया, सामाइयस्स अणवट्ठियस्स करणया । ९ ॥ ५३ ॥

तयाणन्तरं च णं देसावगासियस्स समणोवासपणं पञ्च अइयारा जाणियव्वा, न समायरियव्वा-तं जहा-आणव-णप्पओगे, पेसवणप्पओगे, सहाणुवाप, रूवाणुवाप, वहिया पोगलपक्खेवे । १० ॥ ५४ ॥

तयाणन्तरं च णं पोसहोववासस्स समणोवासपणं पञ्च अइयारा जाणियव्वा, न समायरियव्वा-तं जहा-अप्पडि-लेहियदुप्पडिलेहियसिज्जासंथारे, अप्पमज्जियदुप्पमज्जिय-सिज्जासंथारे, अप्पडिलेहियदुप्पडिलेहियउच्चारपासवणभूमी, अप्पमज्जियदुप्पमज्जियउच्चारपासवणभूमी, पोसहोववासस्स सम्मं अणणुपालणया । ११ ॥ ५५ ॥

तयाणन्तरं च णं अहासंविभागस्स समणोवासपणं पञ्च अइयारा जाणियव्वा, न समायरियव्वा-तं जहा-सच्चित्त-

निकखेवणया, सच्चित्तपिहणया, कालाइकमे, परववदेसे,
मच्छरिया । १२ ॥ ५६ ॥

तयाणन्तरं च णं अपच्छिममारणन्तियसंलेहणाञ्जुसणा-
SSराहणाप पञ्च अह्यारा जाणियव्वा, न समायरियव्वा-तं
जहा-इहलोगासंसण्पओगे, परलोगासंसण्पओगे, जीघिया-
संसण्पओगे, मरणासंसण्पओगे, कामभोगासंसण्पओगे
। १३ ॥ ५७ ॥

तप णं से आणन्दे गाहावई समणस्स भगवओ महा-
वीरस्स अन्तिप पञ्चाणुव्वइयं सत्तसिक्खावइयं दुवालसविहं
सावयधम्मं पडिवज्जइ, २त्ता समणं भगवं महावीरं वन्दइ नमं-
सइ, २ ता एवं वयासी-“ नो खलु मे, भन्ते ! कप्पइ अज्ज-
प्पभिइं अन्नउत्थिप वा अन्नउत्थियदेवयाणि वा अन्नउत्थि-
यपरिग्गहियाणि वा वन्दित्तप वा नमंसित्तप वा, पुव्वि
अणालत्तेणं आलवित्तप वा, संलवित्तप वा, तेसि असणं वा
पाणं वा खाइमं वा साइमं वा दाउं वा अणुप्पदाउं वा, नन्नत्थ
रायाभिओगेणं गणाभिओगेणं बलाभिओगेणं देवयाभि-
ओगेणं गुहनिग्गहेणं वित्तिकन्तारेणं । कप्पइ मे समणे
निग्गन्थे फासुपणं एसणिज्जेणं असणपाणखाइमसाइमेणं
वत्थकम्बलपडिग्गहपायपुञ्छणेणं पीढफलगसिज्जासंथार-
पणं ओसहमेसज्जेणं च पडिलामेमाणस्स विहरित्तप ” ।
त्ति कट्टु इमं पयारूवं अभिग्गहं अभिगिहइ, २ ता पसि-
णाइं पुच्छइ, २ ता अट्टाइं आदियइ, २ ता समणं भगवं
महावीरं तिकखुत्तो वन्दइ, २ ता समणस्स भगवओ महा-
वीरस्स अन्तियाओ दूइपलासाओ चेइयाओ पडिणिक्ख-
मइ, २ ता जेणेव वाणियगामे नयरे, जेणेव सप गिहे, तेणेव
उवागच्छइ, २ ता सिवनन्दं भारियं एवं वयासी-“ एवं

खलु, देवाणुप्पिया ! मए समणस्स भगवओ महावीरस्स अन्तिए धम्मे निसन्ते, से वि य धम्मे मे इच्छिप, पडिच्छिप, अभिरुइए; तं गच्छ णं तुमं, देवाणुप्पिया ! समणं भगवं महावीरं वन्दाहि जाव पज्जुवासाहि, समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवालसविहं गिहिधम्मं पडिवज्जाहि ॥ ५८ ॥

तए णं सा सिवनन्दा भारिया आणन्देणं समणोवासणं एवं वुत्ता समाणा हट्टुट्टा कोडुम्बियपुरिसे सहावेइ, २ ता एवं वयासी-“ खिप्पामेव लहुकरण०” जाव पज्जुवासइ ॥ ५९ ॥

तए णं समणे भगवं महावीरे सिवनन्दाए तीसे य महइ जाव धम्मं कहेइ ॥ ६० ॥

तए णं सा सिवनन्दा समणस्स भगवओ महावीरस्स अन्तिए धम्मं सोच्चा निसम्म हट्ट जाव गिहिधम्मं पडिवज्जइ, २ ता तमेव धम्मियं जाणप्पवरं दुरुहइ, ता जामेव दिसि पाउब्भूया, तामेव दिसि पडिगया ॥ ६१ ॥

“ भन्ते ! ” त्ति भगवं गोयमे समणं भगवं महावीरं वन्दइ नमंसइ, २ ता एवं वयासी-“ पट्ट णं, भन्ते ! आणन्दे समणोवासए देवाणुप्पियाणं अन्तिए मुण्डे जाव पव्वइत्तए ? ”

“ नो इण्टे समट्टे । गोयमा ! आणन्दे णं समणोवासए बहूइं वासाइं समणोवासगपरियाणं पाउणिहिइ, २ ता जाव सोहम्मे कप्पे अरुणांमे विमाणे देवत्ताए उववज्जिहिइ ” ।

तत्थ णं अत्थेगइयाणं देवाणं चत्तारि पलिओवमाइं ठिई पणत्ता । तत्थ णं आणन्दस्स वि समणोवासगस्स चत्तारि पलिओवमाइं ठिई पणत्ता ॥ ६२ ॥

तप णं समणे भगवं महावीरे अन्नया कयाइ बहिया
जाव विहरइ ॥ ६३ ॥

तप णं से आणन्दे समणोवासप जाप अमिगयजीवाजीवे
जाव पडिलामेमाणे विहरइ ॥ ६४ ॥

तप णं सा सिवनन्दा भारिया समणोवासिया जाया
जाव पडिलामेमाणी विहरइ ॥ ६५ ॥

तप णं तस्स आणन्दस्स समणोवासगस्स उच्चावपहिं
सीलव्वयगुणवेरमणपच्चकखणपोसहोववासेहिं अप्पाणं भावे-
माणस्स चोइस्स संवच्छराइं वीइकन्ताइ । पण्णरसमस्स
संवच्छरस्स अन्तरा वट्टमाणस्स अन्नया कयाइ पुव्वरत्ता-
वरत्तकालसमयंसि धम्मजागरियं जागरमाणस्स इमेया-
रूवे अज्झत्थिप चिन्तिप मणोगप सङ्कप्पे समुप्पज्जित्था-
पवं खलु अहं वाणियगामे नयरे बहूणं राईसर जाव सयस्स
वि य णं कुडुम्बस्स जाव आधारे । तं पपणं विक्खेवेणं अहं
नो संचापमि समणस्स भगवओ महावीरस्स अन्तियं धम्म-
पण्णत्ति उवसंपज्जित्ताणं विहरित्तप । तं सेयं खलु ममं कल्लं
जाव जलन्ते विउलं असणं ४, जहा पूरणो, जाव जेट्टपुत्तं
कुडुम्बे ठवेत्ता, तं मित्त जाव जेट्टपुत्तं च आपुच्छित्ता,
कोल्लाप संनिवेसे नायकुलंसि पोसहसालं पडिलेहित्ता,
समणस्स भगवओ अन्तियं धम्मपण्णत्ति उवसंपज्जित्ताणं
विहरित्तप ” । पवं संपेहेइ, २ ता कल्लं विउलं तहेव जिमि-
यभुत्तुरागप तं मित्त जाव विउलेणं पुप्फ ५ सक्कारेइ
संमाणेइ, २ ता तस्सेव मित्त जाव पुरओ जेट्टपुत्तं सदा-
बेइ, २ ता पवं वयासी-“ पवं खलु, पुत्ता ! अहं वाणिय-
गामे बहूण राईसर जहा चिन्तियं जाव विहरित्तप । तं सेयं

बालु मम इशणिं तुमं सयस्स कुडुम्बस्स बालम्बणं ४
इतिता जाव विहरित्तए” ॥ ६६ ॥

तए णं जेट्टपुत्ते आणन्दस्स समणोवासगस्स “ तह ”
त्ति पयमट्ठं विणएणं पडिसुणेइ ॥ ६७ ॥

तए णं से आणन्दे समणोवासए तस्सेव मित्त जाव
पुरओ जेट्टपुत्तं कुडुम्बे उवेइ, २ त्ता एवं वयासी-“ मा
णं देवाणुणिया ! तुम्मे अज्जएभिइ केइ मम बहूसु
कज्जेसु जाव पुच्छह वा, पडिपुच्छह वा, ममं अट्ठाए असणं
वा ४ उवक्खडेह उवकरेह वा” ॥ ६८ ॥

तए णं से आणन्दे समणोवासए जेट्टपुत्तं मित्तनाइं आपु-
च्छइ, २ त्ता सयाओ गिहाओ पडिणिक्लमइ, २ त्ता वाणि-
यगामं नयरं मज्झंमज्झेणं निग्गच्छइ, २ त्ता जेणेव कोल्लाप
संनिवेसे, जेणेव नायकुले, जेणेव पोसहसाला, तेणेव उवा-
गच्छइ, २ त्ता पोसहसालं पमज्जइ, २ त्ता उच्चारपासवण-
भूमिं पडिलेहेइ, २ त्ता दम्भसंथारयं संथरइ, दम्भसंथारयं
दुरुहइ, २ त्ता पोसहसालाप पोसहिए दम्भसंथारोवगए
संमणस्स भगवओ महावीरस्स अन्तियं धम्मपण्णत्ति
उवसंपज्जित्ताणं विहरइ ॥ ६९ ॥

तए णं से आणन्दे समणोवासए उवासगपडिमाओ उव-
संपज्जित्ताणं विहरइ । पढमं उवासगपडिमं अहासुत्तं अहा-
कण्णं अहामगं अहातच्चं सम्मं काएणं फासेइ, पालेइ,
सोहेइ, तीरेइ, किच्चेइ, आराहेइ ॥ ७० ॥

तए णं से आणन्दे समणोवासए दोच्चं उवासगपडिमं
एवं तच्चं, चउत्थं, पञ्चमं, छट्ठं, सत्तमं, अट्ठमं, नवमं, दसमं
पक्कारसमं जाव आराहेइ ॥ ७१ ॥

तए णं से आणन्दे समणोवासए इमेणं पयारूवेणं उर-
लेणं विउलेणं पयत्तेणं पग्गहिणं तवोकम्मेणं सुक्के जाव
किसे धमणिसंतए जाए ॥ ७२ ॥

तए णं तस्स आणन्दस्स समणोवासगस्स अन्नया कयाइ
पुव्वरत्ता जाव धम्मजागरियं जागरमाणस्स अयं अज्झ-
त्थिए ५-“ एवं खलु अहं इमेणं जाव धमणिसंतए जाए ।
तं अत्थि ता मे उट्टाणे कम्मे बले वीरिए पुरिसक्कारपरक्कमे
सद्धाधिइसंवेगे । तं जाव ता मे अत्थि उट्टाणे सद्धाधिइसं-
वेगे, जाव य मे धम्मायरिए धम्मोवपसए समणे भगवं
महावीरे जिणेसु हत्थी विहरइ, ताव ता मे सेयं कल्लं जाव
जलन्ते अपच्छिममारणन्तियसंलेहणाञ्जूसियस्स, भत्तपाण-
पडियाइक्खियस्स, कालं अणवकंखमाणस्स विहरित्तए” ।
एवं संपेहेइ, २ त्ता कल्लं पाउ जाव अपच्छिममारणन्तिय०
जाव कालं अणवकंखमाणे विहरइ ॥ ७३ ॥

तए णं तस्स आणन्दस्स समणोवासगस्स अन्नया कयाइ
सुभेणं अज्झवसाणेणं, सुभेणं परिणामेणं, लेसाहिं विसुज्झ-
माणीहिं, तयावरणिज्जाणं कम्माणं खओवसमेणं ओहिनाणे
समुप्पन्ने । पुरत्थिमेणं लवणसमुहे पञ्चजोयणसयाइं खेत्तं
जाणइ पासइ, एवं दक्खिणेणं पच्चत्थिमेणं च । उत्तरेणं जाव
चुल्लहिमवन्तं वासधरपव्वयं जाणइ पासइ । उइढं जाव
सोहम्मं कप्पं जाणइ पासइ । अहे जाव इमीसे रयणप्पभाए
पुढवीए लोलुयच्चुयं नरयं चउरासीइवाससइस्सट्ठिइयं
जाणइ पासइ ॥ ७४ ॥

तेणं कालेणं तेणं समएणं समणे भगवं महावीरे समो-
सरिए । परिस्ता निग्गया जाव पडिगया ७५ ॥

तेणं कालेणं तेणं समणं समणस्स भगवओ महावीरस्स जेट्ठे अन्तेवासी इन्दभूर्इ नामं अणगारे गोयमगोत्ते णं सत्तु-
स्सेहे, समच्च उरंससंठाणसंठिए, वज्जरिसहनारायसंघयणे,
कणगपुलगनिघसपम्हगोरे, उग्गतवे, दित्ततवे, घोरतवे,
महातवे, उराले, घोरगुणे, घोरतवस्सी, घोरबम्भचेरवासी,
उच्छूढसरीरे, संखित्तविउलतेउलेसे, छट्टंछट्टेणं अणिक्खि-
स्सेणं तवोकम्मणेणं संजमेणं तवसा अप्पाणं भावेमाण विह-
रइ ॥ ७६ ॥

तए णं से भगवं गोयमे छट्टकखमणपारणगंसि पढमाए
पोरिसीए सज्झायं करेइ, बिइयाए पोरिसीए ज्ञाणं झियाइ,
त्तइयाए पोरिसीए अतुरियं अच्चवलं असंभन्ते मुहपत्तिं
पडिलेहेइ, २ ता भायणवत्थाइं पडिलेहेइ, २ ता भायणव-
स्थाइं पमज्जइ, २ ता भायणाइं उग्गाहेइ, २ ता जेणेव समणे
भगवं महावीरे, तेणेव उवागच्छइ, २ ता समणं भगवं
महावीरं वन्दइ नमंसइ, २ ता पवं वयासी-“इच्छामि णं
भन्ते ! तुम्मेहि अब्भणुण्णाए छट्टकखमणस्स पारणगंसि वाणि-
यगामे नयरे उच्चनीयमज्झिमाइं कुलाइ घरसमुदाणस्स
भिक्षायरियाए अडित्तए ” । “ अहासुहं, देवाणुप्पिया ! मा
पडिबन्धं करेह ” ॥ ७७ ॥

तए णं भगवं गोयमे समणेणं भगवया महावीरेण अब्भ-
णुण्णाए समाणे समणस्स भगवओ महावीरस्स अन्तियाओ
इइपलासाओ चेइयाओ पडिणिक्खमइ, २ ता अतुरियमच्च-
वलमसंभन्ते जुगन्तरपरिलोयणाए दिट्ठीए पुरओ इरियं
सोहेमाणे, जेणेव वाणियगामे नयरे, तेणेव उवागच्छइ, २ ता
वाणियगामे नयरे उच्चनीयमज्झिमाइं कुलाइ घरसमुदणस्स
भिक्षायरियाए अडइ ॥ ७८ ॥

तप णं से भगवं गोयमे वाणियगामे नयरे, जहा पण्ण-
त्तीप तहा, जाव भिक्खायरियाप अडमाणे अहापज्जत्तं भत्त-
पाणं सम्मं पडिग्गाहेइ, २ ता वाणियगामाओ पडिणिग्ग-
च्छइ, २ ता कोल्लायस्स संनिवेसस्स अदूरसामन्तेणं वीई-
वयमाणे, बहुजणसहं निसामेइ । बहुजणो अन्नमन्नस्स पव-
माइक्खइ ४-“ एवं खलु, देवाणुप्पिया ! समणस्स भगवओ
अन्तेवासी, आणन्दे नामं समणोवासप पोसहसालाप अप-
च्छिम जाव अणवकंखमाणे विहरइ ” ॥ ७९ ॥

तप णं तस्स गोयमस्स बहुजणस्स अन्तिप पयं सोच्चा
निसम्म अयमेयारूवे अज्झत्थिप ४-“ तं गच्छामि णं,
आणन्दं समणोवासयं पासामि ” । एवं संपेहेइ, २ ता जेणेव
कोल्लाप संनिवेसे, जेणेव आणन्दे समणोवासप, जेणेव
पोसहसाला, तेणेव उवागच्छइ ॥ ८० ॥

तप णं से आणन्दे समणोवासप भगवं गोयमं पज्जमाणं
पासइ, २ ता इट्ठ जाव हियप भगवं गोयमं वन्दइ नमंसइ,
२ ता एवं वयासी-“ एवं खलु, भन्ते ! अहं इमेणं उरालेणं जाव
धम्मणिस्तप जाप, न संचापमि देवाणुप्पियस्स अन्तियं पाउ-
व्वचित्ताणं तिक्खुत्तो मुद्धानेणं पाप अभिवन्दित्तप । तुम्हे णं,
भन्ते ! इच्छक्कारेणं अभिओपणं इओ चेव पइ. जा णं देवाणु-
प्पियाणं तिक्खुत्तो मुद्धानेणं पापसु वन्दामि नमंसांमि ” ॥ ८१ ॥

तप णं से भगवं गोयमे, जेणेव आणन्दे समणोवासप,
तेणेव उवागच्छइ ॥ ८२ ॥

तप णं से आणन्दे समणोवासप भगवओ गोयमस्स
तिक्खुत्तो मुद्धानेणं पापसु वन्दइ नमंसइ २ ता एवं वयासी-
“ अत्थि णं, भन्ते K गिहिणो गिहिमज्जावसन्तस्स ओहि-
नाणे णं समुपपज्जइ ?

“हन्ता, अत्थि” ।

“जइ णं, भन्ते ! गिहिणो जाव समुप्पज्जइ, एवं खलु, भन्ते ! मम वि गिहिणो गिहिमज्झा वसन्तस्स ओहिनाणे समुप्पन्ने । पुरत्थिमेणं लवणसमुदे पञ्चजोयणसयाइं जाव लोलुयच्चुयं नरयं जाणामि पासामि” ॥ ८३ ॥

तए णं से भगवं गोयमे आणन्दं समणोवासयं एवं वयासी—“अत्थि णं आणन्दा ! गिहिणो जाव समुप्पज्जइ । नो चेव णं एमहालए । तं णं तुमं, आणन्दा ! (एयस्स ठाणस्स आलोपहि जाव तवोकम्मं पडिवज्जाहि” ॥ ८४ ॥

तए णं से आणन्दे भगवं गोयमं एवं वयासी—“अत्थि णं, भन्ते ! जिणवयणे सन्ताणं तच्चाणं तहियाणं सम्भूयाणं भावाणं आलोइज्जइ जाव पडिवज्जिज्जइ ?”

“नो इण्ढे सम्ढे” ।

“जइ णं, भन्ते ! जिणवयणे सन्ताणं जाव भावाणं नो आलोइज्जइ जाव तवोकम्मं नो पडिवज्जिज्जइ, तं णं, भन्ते ! (तुम्हे चेव एयस्स ठाणस्स आलोपह जाव पडिवज्जइ” ॥ ८५ ॥)

तए णं से भगवं गोयमे आणन्देणं समणोवासणं एवं वुत्ते समाणे, संकिए कंखिए विइगिच्छासमावन्ने आणन्दस्स अन्तियाओ पडिणिवखमइ, २ ता जेणेव दूइपलासे चेइए, जेणेव समणे भगवं महावीरे, तेणेव उवागच्छइ, २ ता समणस्स भगवओ महावीरस्स अदूरसामन्ते गमणागमणाए पडिक्कमइ, २ ता पसणमणेसणं आलोपइ, २ ता भत्तपाणं पडिदंसेइ, २ ता समणं भगवं वन्दइ नमंसइ, २ ता एवं वयासी—“एवं खलु, भन्ते ! अहं तुम्हेहिं अब्भणुण्णाए तं

२

चेव सव्वं कहेइ जाव । तए णं अहं संकिए ३ आणन्दस्स समणोवासगस्स अन्तियाओ पडिणिक्खमामि, २ ता जेणेव इहं तेणेव हव्वमागए । तं णं, भन्ते ! किं आणन्देणं समणोवासणं तस्स ठाणस्स आलोपयव्वं जाव पडिवज्जेयव्वं, उदाहु मए ? ”

“गोयमा !” इ समणे भगवं महावीरे भगवं गोयमं पवं वयासी-“गोयमा ! (तुमं चेव णं तस्स ठाणस्स आलोपहि जाव पडिवज्जाहि, आणन्दं च समणोवासयं एयमहं खामेहि” ॥८६॥

तए णं से भगवं गोयमे समणस्स भगवओ महावीरस्स “तह” त्ति एयमहं विणएणं पडिसुणेइ, २ ता तस्स ठाणस्स आलोपइ जाव पडिवज्जइ, आणन्दं च समणोवासयं एयमहं खामेइ ॥८७॥

तए णं समणे भगवं महावीरे अन्नया कयाइ बहिया जणवयविहारं विहरइ ॥८८॥

तए णं से आणन्दे समणोवासए बह्व्हिं सीलव्वपहिं जाव अप्पाणं भावेत्ता, वीसं वासाइं समणोवासगपरियागं पाउणित्ता, एक्कारस य उवासगपडिमाओ सम्मं काएणं फासित्ता, मासियाए संलेहणाए अञ्जाणं झूसित्ता, सट्ठिं भत्ताइं अणसणाए छेदेत्ता, आलोइयपडिक्कन्ते, समाहिपत्ते, कालमासे कालं किञ्चा, सोहम्मए कप्पे सोहम्मवडिसगस्स महाविमाणस्स उत्तरपुरत्थिमेणं अरुणे विमाणे देवत्ताए उववन्ने । तत्थ णं अत्थेगइयाणं देवाणं चत्तारि पलिओवमाइं ठिईं पण्णत्ता । तत्थ णं आणन्दस्स वि देवस्स चत्तारि पलिओवमाइं ठिईं पण्णत्ता ॥८९॥

“आणन्दे णं, भन्ते ! देवे ताओ देवलोगाओ आउ-
क्खणं ३ अणन्तरं चय चइत्ता, कहिं गच्छिहिइ, कहिं
उववज्जिहिइ ?” ।

“गोयमा ! महाविदेहे वासे सिज्झिहिइ” ॥९०॥

॥ निक्खेवो ॥

॥ पढमं आणन्दज्झयणं समत्तं ॥

बीये कामदेवे अज्झयणे

॥ उक्खेवो ॥

जइ णं, भन्ते ! समणेणं भगवया महावीरेणं जाव
संपत्तेणं सत्तमस्स अङ्गस्स उवासगदसाणं पढमस्स अज्झ-
यणस्स अयमट्ठे पण्णत्ते, दोच्चस्स णं, भन्ते ! अज्झयणस्स
के अट्ठे पण्णत्ते ? ॥९१॥

एवं खलु, जम्बू ! तेणं कालेणं तेणं समणं चम्पा
नामं नयरी होत्था । पुण्णभदे चेइए । जियसत्तू राया ।
कामदेवे गाहावई । भद्दा भारिया । छ हिरण्णकोडोओ
निहाणपउत्ताओ, छ वड्ढिपउत्ताओ, छ पवित्थरपउत्ताओ,
छ वया दसगोसाहस्सिपणं वपणं । समोसरणं । जहा
आणन्दे तहा निग्गए । तहेव सावयधम्मं पडिवज्जइ । सा
खेव वत्तव्वया जाव जेट्ठपुत्तं मित्तनाइं आपुच्छित्ता, जेणेव
पोसहसाला, तेणेव उवागच्छइ, २ त्ता जहा आणन्दे
जाव समणस्स भगवओ महावीरस्स अन्तियं धम्मपण्णत्तिं
उवसंपज्जित्ताणं विहरइ ॥९२॥

तए णं तस्स कामदेवस्स समणोवासगस्स पुब्बरत्ता-
वरत्तकालसमयंसि एगे देवे मायी मिच्छदिट्ठी अन्तियं
पाउम्भूए ॥९३॥

तए णं से देवे एगं महं पिसायरूवं विउव्वइ । तस्स
 णं देवस्स पिसायरूवस्स इमे पयारूवे वण्णावासे पण्णत्ते—
 सीसं से गोकिलञ्जसंठाणसंठियं, सालिभसेल्लसरिसा
 से केसा कविलत्तेएणं दिप्पमाणा, महल्लउट्टियाकभल्लसंठा-
 णसंठियं निडालं, मुंगुसपुंछं व तस्स भुमगाओ फुग्गफुग्गाओ
 विगयबीभच्छदंसणाओ, सीसघडिविणिग्गयाइं अच्छीणि
 विगयबीभच्छदंसणाइं, कण्णा जहा सुप्पकत्तरं चेव विगय-
 बीभच्छदंसणिज्जा, उरुभपुडसंनिभा से नासा, झुसिरा
 जमलबुल्लीसंठाणसंठिया दो वि तस्स नासापुडया, घोड-
 यपुंछं व तस्स मंसूइं कविलकविलाइं विगयबीभच्छदंसणाइं,
 उट्टा उट्टस्स चेव लम्बा, फालसरिसा से दन्ता, जिम्भा
 जह सुप्पकत्तरं चेव विगयबीभच्छदंसणिज्जा, हलकुडाल-
 संठिया से हणुया, गल्लकडिल्लं च तस्स खइडं फुट्टं कविलं
 फरुसं महल्लं, मुद्दङ्गाकारोवमे से खन्धे, पुरवरकवाडोवमे
 से वच्छे, कोट्टियासंठाणसंठिया दो वि तस्स बाहा, निसा-
 पाहाणसंठाणसंठिया दो वि तस्स अग्गहत्था, निसालोढ-
 संठाणसंठियाओ हत्थेसु अङ्गुलीओ, सिप्पिपुडगसंठिया से
 नक्खा, ण्हावियपसेवओ व्व उरंसि लम्बन्ति दो वि तस्स
 थणया, पोट्टं अयकोट्टओ व्व वट्टं, पाणकलन्दसरिसा से
 नाही, सिक्कगसंठाणसंठिए से नेत्ते, किण्णपुडसंठाणसं-
 ठिया दो वि तस्स वसणा, जमलकोट्टियासंठाणसंठिया दो
 वि तस्स ऊरू, अज्जुणगुट्टं व तस्स जाणूइं कुडिलकुडिलाइं
 विगयबीभच्छदंसणाइं, जंघाओ कक्खडीओ लोमेहिं उव-
 च्चियाओ, अहरीसंठाणसंठिया दो वि तस्स पाया, अहरी-
 लोढसंठाणसंठियाओ पापसु अङ्गुलीओ, सिप्पिपुडसंठिया
 से नक्खा ॥९४॥

लडहमडहजाणुप विगयभग्गभुग्गभुमप अवदालियव-
यणविवरनिल्लालियग्गजीहे सरडकयमालियाप उन्दुरमाला-
परिणद्धसुकयच्चिये, नउलकयकणपूरे, सप्पकयवेगच्छे,
अप्पोडन्ते, अभिगज्जन्ते, भीममुक्कट्टट्टहासे, नाणाविहप-
ञ्चवण्णेहि लोमेहि उवच्चिप एगं महं नीलुप्पलगवलगुलिय-
अयसिकुसुमप्पगासं असि खुरधारं गहाय, जेणेव पोसह-
साला, जेणेव कामदेवे समणोवासप, तेणेव उवागच्छइ,
२ ता आसुरत्ते रुढे कुविप चण्डिकिरुप मिसिमिसीयमाणे
कामदेवं समणोवासयं एवं वयासो-“हं भो ! कामदेवा !
समणोवासया ! अप्पत्थियपत्थिया ! दुरन्तपन्तळक्खणा !
हीणपुण्णचाउड्ढसिया ! हिरिसिरिधिइकित्तिपरिवज्जिया !
धम्मपुण्णसग्गमोक्खकामया ! धम्मकंखिया ! ५, धम्मपि-
वासिया ! ५, नो खलु कप्पइ तव, देवाणुप्पिया !
जं सीलाइं वयाइं वेरमणाइं पच्चक्खाणाइं पोसहोववासाइं
चालित्तप वा खोभित्तप वा खण्डित्तप वा भञ्जित्तप वा
उज्झित्तप वा परिच्चइत्तप वा, तं जइ णं तुमं अज्ज सीलाइं
जाव पोसहोववासाइं न छड्ढसि न भज्जेसि, तो ते अहं
अज्ज इमेणं नीलुप्पल जाव असिणा खण्डाखण्डि करेमि,
जहा णं तुमं, देवाणुप्पिया ! अट्टदुहट्टवसट्टे अकाले चेव
जीवियाओ ववरोविज्जसि ॥१५॥

तप णं से कामदेवे समणोवासप तेणं देवेणं पिसा-
यरूवेणं एवं बुत्ते समाणे, अभीप अतत्थे अणुत्विग्गे अक्खु-
भिप अवलिप असंभन्ते तुसिणोप धम्मज्झाणोवगप
विहरइ ॥१६॥

तप णं से देवे पिसायरूवे कामदेवं समणोवासयं
अभीयं जाव धम्मज्झाणोवगयं विहरमाणं पालइ, २ ता

दोच्चं पि तच्चं पि कामदेवं एवं वयासी-“हं भो ! कामदेवा ! समणोवासया ! अपत्थियपत्थिया ! जइ णं तुमं अज्ज जाव ववरोविज्जसि” ॥१७॥

तए णं से कामदेवे समणोवासए तेणं देवेणं दोच्चं पि तच्चं पि एवं बुत्ते समाणे, अभीए जाव धम्मज्झाणोव-
गए विहरइ ॥१८॥

तए णं से देवे पिसायरूवे कामदेवं समणोवासयं अभीयं जाव विहरमाणं पासइ, २ ता आसुरत्ते^५ तिवलियं भिउडिं निडाले सहइदु, कामदेवं समणोवासयं नीलुप्पल जाव असिणा खण्डाखण्डि करेइ ॥१९॥

तए णं से कामदेवे समणोवासए तं उज्जलं जाव दुर-
हियासं वेयणं सम्मं सहइ जाव अहियासेइ ॥१००॥

तए णं से देवे पिसायरूवे कामदेवं समणोवासयं अभीयं जाव विहरमाणं पासइ, २ ता जाहे नो संचापइ कामदेवं समणोवासयं निग्गन्थाओ पावयणाओ चालित्तए वा खोभित्तए वा विपरिणामित्तए वा, ताहे सन्ते तन्ते परितन्ते सणियं सणियं पच्चोसक्कइ, २ ता पोसहसालाओ पडिणिकखमइ, २ ता दिव्वं पिसायरूवं विप्पजइइ, २ ता एणं महं दिव्वं हत्थिरूवं विउव्वइ-सत्तङ्गपइइयं सम्मं संठियं सुजायं, पुरओ उदग्गं पिट्ठओ वाराहं अयाकुच्चिं अलम्ब-
कुच्चिं पलम्बलम्बोदराधरकरं अब्भुग्गयमउलमल्लियाविम-
लधवलदन्तं कञ्चणकोसीपविट्ठदन्तं आणामियचावललिय-
संवल्लियग्गसोण्डं कुम्मपडिपुण्णचलणं वीसइनक्खं अल्ली-
णपमाणजुत्तपुच्छं ॥१०१॥

मत्तं मेहमिव गुलगुलेन्तं मणपवणजइणवेणं दिव्वं हत्थि-
रूवं विउव्वइ, २त्ता जेणेव पोसहसाला जेणेव कामदेवे

समणोवासए तेणेव उवागच्छइ, २त्ता कामदेवं समणोवा-
सयं एवं वयासी-“हं भो ! कामदेवा ! समणोवासया !
तदेव भणइ जाव न भञ्जेसि, तो ते अज्ज अहं सोण्डाप
गिण्हामि, २त्ता पोसाहसालाओ नीणेमि, २त्ता उड्डं वेहासं
उव्विहामि, २त्ता तिकखेहिं दन्तमुसलेहिं पडिच्छामि, २त्ता
अहं धरणितलंसि तिकखुत्तो पापसु लोलेमि, जहा णं तुमं
अट्टुदुहट्टवसट्टे अकाले चेव जीवियाओ ववरोविज्जसि”॥१०२॥

तए णं से कामदेवे समणोवासए तेणं देवेणं हत्थिरूवेणं
एवं बुत्ते समणे, अभीए जाव विहरइ ॥१०३॥

तए णं से देवे हत्थिरूवे कामदेवं समणोवासयं अभीयं
जाव विहरमाणं पासइ, २ ता दोच्चं पि तच्चं पि काम-
देवं समणोवासयं एवं वायसी-“हं भो ! कामदेवा !”
तदेव जाव सो वि विहरइ ॥१०४॥

तए णं से देवे हत्थिरूवे कामदेवं समणोवासयं अभीयं
जाव विहरमाणं पासइ, २ ता आसुरत्ते ४, कामदेवं सम-
णोवासयं सोण्डाप गिण्हेइ, उड्डं वेहासं उव्विहइ, २ ता
तिकखेहिं दन्तमुसलेहिं पडिच्छइ, २ ता अहे धरणितलंसि
तिकखुत्तो पापसु लोलेइ ॥१०५॥

तए णं से कामदेवे समणोवासए तं उज्जलं जाव अहि-
यासेइ ॥१०६॥

तए णं से देवे हत्थिरूवे कामदेवं समणोवासयं जाहे
नो संचापइ जाव सणियं सणियं पच्चोसककइ, २ ता
पोसाहसालाओ पडिणिक्खमइ, २ ता दिव्वं हत्थिरूवं विण्य-
जाइ, २ ता एगं महं दिव्वं सण्परूवं विज्जवइ. उग्गविसं
चण्डविसं घोरविसं महाकायं मुसीमूसाकालगं नयणविसरो-
सपुण्णं अञ्जणपुञ्जनिगरप्पगासं रत्तच्छं लोहिद्यलोयणं जमल-

जुयलचञ्चलजीहं धरणीयलवेणिभूयं उक्कडफुडकुडिलज-
डिलककसविंयडफडाडोवकरणदच्छं ॥ १०७ ॥

लोद्वागरधम्ममाणधमधमेन्तघोसं अण्णागुलियतिव्व-
चण्डरोसं सप्परूवं विउव्वइ, २ ता जेणेव पोसहसाला
जेणेव कामदेवे समणोवासए, तेणेव उवागच्छइ, २ ता काम-
देवं समणोवासयं एवं वयासी-“हं भो ! कामदेवा ! सम-
णोवासया ! जाव न भज्जेसि, तो ते अज्जेव अहं सर-
सरस्स कायं दुरुहामि, २ ता पच्छिमेणं भाएणं तिक्खुत्तो
गीवं वेढेमि, २ ता तिक्खाहिं विसपरिगयाहिं दाढाहिं
उरंसि चैव निकुट्टेमि, जहा णं तुमं अट्टुहट्टवसट्टे अकाले
चैव जीवियाओ ववरोविज्जसि” ॥ १०८ ॥

तए णं से कामदेवे समणोवासए तेणं देवेणं सप्परूवेणं
एवं वुत्ते समाणे, अभीए जाव विहरइ । सो वि दोच्चं
पि तच्चं पि भणइ, कामदेवो वि जाव विहरइ ॥ १०९ ॥

तए णं से देवे सप्परूवे कामदेवं समणोवासयं अभीयं
जाव पासइ, २ ता आसुरत्ते ४ कामदेवस्स सरसरस्स कायं
दुरुहइ, २ ता पच्छिमभाएणं तिक्खुत्तो गीवं वेढेइ, २ ता
तिक्खाहिं विसपरिगयाहिं दाढाहिं उरंसि चैव निकुट्टेइ ॥ ११० ॥

तए णं से कामदेवे समणोवासए तं उज्जलं जाव
अहियासेइ ॥ १११ ॥

तए णं से देवे सप्परूवे कामदेवं समणोवासयं अभीयं
जाव पासइ, २ ता जाहे नो संचापइ कामदेवं समणोवा-
सयं निग्गन्थाओ पावयणाओ चालित्तए वा खोभित्तए वा
विपरिणामित्तए वा ताहे सन्ते ३ सणियं सणियं पच्चो-
सक्कइ, २ ता पोसहसालाओ पडिणिक्खमइ, २ ता दिव्वं
सप्परूवं विप्पजहइ, २ ता एगं महं दिव्वं देवरूवं विउव्वइ,

इराविराइयवच्छं जाव दसदिसाओ उज्जोवेमाणं पभासे-
माणं प्रासाईयं दरिसणिज्जं अभिरूवं पडिरूवं ॥ ११२ ॥

दिव्वं देवरूवं विउव्वइ, २ ता कामदेवस्स समणोवा-
सयस्स पोसहसालं अणुपिपिसइ, २ ता अन्तलिक्वपडि-
वन्ने सखिखिणियाइ पञ्चवण्णोइ वत्थाइ पवरपरिहिप
कामदेवं समणोवासयं एवं वयासी—“हं भो ! कामदेवा !
समणोवासया ! धन्ने सि णं तुमं देवाणुपिया ! संपुण्णे
कयत्थे कथंलक्खणे, सुलद्धे णं तव, देवाणुपिया ! माणु-
स्सए जम्मजीवियफले, जस्स णं तव निग्गन्थे पावयणे
इमेयारूवा पडिवत्ती लद्धा पत्ता अभिसमन्नागया । एवं
खलु, देवाणुपिया ! सक्के देविन्दे देवराया जाव सक्कंसि
सीहासणंसि चउरासीए सामाणियसाहस्सीणं जाव
अन्नेसि च बड्डणं देवाण य देवीण य मज्झगए पवमा-
इक्खइ ४—“एवं खलु, देवा ! जम्बुद्दीवे दीवे भारहे वासे
चम्पाए नयरीए कामदेवे समणोवासए पोसहसालाए पोस-
हिप बम्भचारो जाव दम्भसंथारोवगए समणस्स भगवओ
महावीरस्स अन्तियं धम्मपण्णत्ति उवसंपज्जित्ताणं विह-
रइ । नो खलु से सक्का केणइ देवेण वा दाणवेण वा जाव
गन्धव्वेण वा निग्गन्थाओ पावयणाओ चालित्तए वा खोभि-
त्तए वा विपरिणामित्तए वा” । तए णं अहं सक्कस्स देवि-
न्दस्स देवरण्णो पयमट्ठं असद्दहमुण्णे ३ इहं हव्वमागए ।
तं अहो ! णं, देवाणुपिया ! इड्ढी ६ लद्धा ३, तं दिट्ठा णं,
देवाणुपिया ! इड्ढी जाव अभिसमन्नागया । तं खामेमि णं
देवाणुपिया !, खमन्तु मं, खन्तुमरहन्ति णं, देवाणुपिया,
नाइं भुज्जो करणयाए” त्ति कट्ठु पायवडिप पज्जलिउडे
पयमट्ठं भुज्जो भुज्जो खामेइ, २ ता जामेव दिंसि पाउब्भूप,
तामेव दिंसि पडिगए ॥ ११३ ॥

तए णं से कामदेवे समणोवासए 'निरुवसगं' इति
कट्टु पडिमं पारेइ ॥ ११४ ॥

तेणं कालेणं तेणं समपणं समणे भगवं महावीरे जाव
विहरइ ॥११५॥

तए णं से कामदेवे समणोवासए इमीसे कहाए लद्धे
समाणे 'एवं खलु समणे भगवं महावीरे जाव विहरइ, तं
सेयं खलु मम समणं भगवं महावीरं वन्दित्ता नमंसित्ता
तओ पडिणियत्तस्स पोसहं पारित्तए' त्ति कट्टु एवं संपे-
हेइ, २ ता सुद्धप्पावेसाई वत्थाई जाव अप्पमहग्घ जाव
मणुस्सवग्गुरापारिक्खित्ते सयाओ गिहाओ पडिणिकस्समइ, २
त्ता च चम्पं नयरिं मज्झमज्झेणं निग्गच्छइ, २ ता जेणेव
पुण्णभद्दे चेइए जहा संखो जाव पज्जुवासइ ॥११६॥

तए णं समणे भगवं महावीरे कामदेवस्स समणोवा-
सयस्स तीसे य जाव घम्मकहा सम्मत्ता ॥११७॥

“कामदेवा !” इ समणे भगवं महावीरे कामदेवं सम-
णोवासयं एवं वयासी—“से नूणं, कामदेवा ! तुभं पुव्व-
रत्तावरत्तकालसमयंसि एगे देवे अन्तिए पाउब्भूए । तए
णं से देवे एगं महं दिव्वं पिसायरूवं विउव्वइ, २ ता आसु-
रत्ते ४ एगं महं नीलुप्पल जाव असि गहाय तुमं एवं
वयासी—“हं भो ! कामदेवा ! जाव जीवियाओ व्वरो-
विज्जसि” । तं तुमं तेणं देवेणं एवं तुत्ते समाणे अभीए जाव
विहरसि” । एवं वण्णगरहिया तिण्णि वि उव्वसग्गा तहेव
पडिउच्चारेयव्वा जाव देवो पडिगओ । “से नूणं, काम-
देवा ! अट्ठे समट्ठे” ? “ हन्ता अत्थि” ॥११८॥

“अज्जो !” इ समणे भगवं महावीरे बहवे समणे निग्गन्थे
य निग्गन्थीओ य आमन्तेत्ता एवं वयासी—“जइ ताव,

वीये कामदेवे अज्जयणे

अज्जो ! समणोवासगा गिहिणो गिहिमज्झा वसंता दिव्व-
माणुसतिरिक्खजोणिण उवसग्गे सम्मं सहन्ति जाव अहि-
यासेन्ति, सक्का पुणाइं, अज्जो, ! समणेहिं निग्गन्थेहिं
दुवालसङ्गं गणिपिडगं अहिज्जमाणेहिं दिव्वमाणुसतिरिक्ख-
जोणिण उवसग्गे सम्मं सहित्तप जाव अहियासित्तप” ॥११९॥

तओ ते बहवे समणा निग्गन्था य निग्गन्थीओ य
समणस्स भगवओ महावीरस्स “तह” त्ति अयेमहुं विण-
एणं पडिसुणेन्ति ॥१२०॥

तए णं से कामदेवे समणोवासए हट्ठ जाव समणं
भगवं महावीरं पस्सिणाइं पुच्छइ, अट्टमादियइ, समणं भगवं
महावीरं तिकखुत्तो वन्दइ नमंसइ, २ ता जामेव दिंसि पाउ-
ब्भूए तामेव दिंसि पडिगए ॥१२१॥

तए णं समणे भगवं महावीरे अन्नया कयाइ चम्पाओ
पडिणिक्खमइ, २ ता बहिया जणवयविहारं विहरइ ॥१२२॥

तए णं से कामदेवे समणोवासए पढमं उवासगपडिमं
उवसंपज्जित्ताणं विहरइ ॥१२३॥

तए णं से कामदेवे समणोवासए बहुहिं जाव भावेत्ता
वीसं वासाइं समणोवासगपरियागं पाउणित्ता, एक्कारस्स
उवासगपडिमाओ सम्मं काएणं फासेत्ता, मासियाए संले-
हणाए अण्णाणं इसित्ता, सट्ठिं भत्ताइं अणसणाए छेदेत्ता,
आलोइयपडिक्कन्ते, समाहिपत्ते, कालमासे कालं किच्चा,
सोहम्मे कप्पे सोहम्मवडिसयस्स महाविमाणस्स उत्तरपुर-
त्थिमेणं अरुणाभे विमाणे देवत्ताए उववन्ने । तत्थ णं अत्थे-
गइयाणं देवाणं चत्तारि पलिओवमाइं ठिईं पण्णत्ता । काम-
देवस्स चि देवस्स चत्तारि पलिओवमाइं ठिईं पण्णत्ता
॥१२४॥

“से णं, भन्ते ! कामदेवे ताओ देवलोगाओ आउक्खपणं भवक्खपणं ठिइक्खपणं अणन्तरं चयं चइत्ता, कहिं गमिहिइ, कहिं उव्वज्जिहिइ ?”

“गोयमा, महाविदेहे वासे सिज्झहिइ”, ॥१२५॥

॥ निक्खेवो ॥

॥ बीयं कामदेवज्झयणं समत्तं ॥

तइये चुलणीपियज्झयणे

॥ उक्खेवो ॥

एवं खलु, जम्बू ! तेणं कालेणं तेणं समपणं वाणारसी नामं नयरी । कोट्टप चेइए । जियसत्तू राया ॥१२६॥

तत्थ णं वाणारसीए नयरीए चुलणीपिया नामं गाहावई परिवसइ अइडे जाव अपरिभूए । सामा भारिया । अट्ट हिरण्ण-कोडीओ निहाणपउत्ताओ, अट्ट वड्ढिपउत्ताओ, अट्ट पवि-त्थरपउत्ताओ, अट्ट वया दसगोसाहस्सिपणं वपणं । जहा आणन्दो राईसर जाव सव्वकज्जवड्ढावए यावि होत्था । सामी समोसडे । परिसा निग्गया । चुलणीपिया वि जहा आणन्दो तहा निग्गओ । तहेव गिहिधम्मं पडिवज्जइ । गोयम-पुच्छा । तहेव सेसं जहा कामदेवस्स जाव पोसहसालाप पोसहिए बम्भचारी समणस्स भगवओ महावीरस्स अन्तियं धम्मपण्णत्ति उवसंपज्जित्ताणं विहरइ ॥१२७॥

तए णं तस्स चुलणीपियस्स समणोवासयस्स पुव्वर-त्तावरत्तकालसमयंसि एगे देवे अन्तियं पाउब्भूए ॥ १२८॥

तए ण से देवे एगं नीलुण्णल जाव असि गहाय चुलणी-पियं समणोवासयं एवं वयासी—“हं भो ! चुलणीपिया ! समणोवासया ! जहा कामदेवो जाव न भज्जेसि, तो ते

अह अज्ज जेहुं पुत्तं साओ गिहाओ नीणेमि, २ ता तव अग्गओ घाणमि, २ ता तओ मंससोल्ले करेमि, २ ता आदाणभरियंसि कडाहयंसि अहहेमि, २ ता तव गायं मंसेण य सोणिपण य आयञ्चामि, जहा णं तुमं अट्टदुहट्टवसहे अकाले चेव जीवियाओ ववरोविज्जसि” ॥१२९॥

तए ण से चुलणीपिया समणोवासए तेणं देवेणं एवं वुत्ते समाणे अभीए जाव विहरइ ॥१३०॥

तए णं से देवे चुलणीपियं समणोवासयं अभीयं जाव पासइ, २ ता दोच्चं पि तच्चं पि चुलणीपियं समणोवासयं एवं वयासी—‘हं भो ! चुलणीपिया ! समणोवासया !’ तं चेव भणइ, जाव विहरइ ॥१३१॥

तए णं से देवे चुलणीपियं समणोवासयं अभीयं जाव पासित्ता आसुरत्ते ४ चुलणीपियस्स समणोवासयस्य जेहुं पुत्तं गिहाओ नीणेइ, २ ता अग्गओ घाणइ, २ ता तओ मंससोल्लए करेइ, २ ता आदाणभरियंसि कडाहयंसि अहहेइ, २ ता चुलणीपियस्स समणोवासयस्स गायं मंसेण य सोणिपण य आयञ्चइ ॥१३२॥

तए णं से चुलणीपिया समणोवासए तं उज्जलं जाव अहियासेइ ॥१३३॥

तए णं से देवे चुलणीपियं समणोवासयं अभीयं जाव पासइ, २ ता दोच्चं पि चुलणीपियं समणोवासयं एवं वयासी—“हं भो ! चुलणीपिया ! समणोवासया ! अपत्थियपत्थिया ! जाव न भञ्जसि, तो ते अहं अज्ज मज्झिमं पुत्तं साओ गिहाओ नीणेमि, २ ता तव अग्गओ घाणमि” जहा जेहुं पुत्तं तहेव भणइ, तहेव करेइ । एवं तच्चं पि कणीयसं जाव अहियासेइ ॥१३४॥

तए णं से देवे चुलणीपियं समणोवासयं अभीयं जाव पासइ, २ ता चउत्थं पि चुलणीपियं समणोवासयं एवं

वयासो--“हं भो ! चुलणीपिया ! समणोवासया ! अपत्थि-
यपत्थिया ! ४ जइ णं तुमं जाव न भञ्जसि, तओ अहं
अज्ज जा इमा तव माया भद्दा सत्थवाही देवयगुरुजणणी
दुक्करदुक्करकारिया, तं ते साओ गिहाओ नीणेमि, २ ता
तव अगगओ घापमि, २ ता तओ मंससोल्लप करेमि, २ ता
आदाणभरियंसि कडाहर्यंसि अहहेमि, २ ता तव गायं मंसेण
य सोणिपण य आयञ्चामि, जहा णं तुमं अट्टदुहट्टवसट्टे
अकाले चैव जीवियाओ ववरोविज्जसि” ॥१३५॥

तप णं से चुलणीपिया समणोवासप तेणं देवेणं एवं
वुत्ते समाणे अभीए जाव विहरइ ॥१३६॥

तप णं से देवे चुलणीपियं समणोवासयं अभीयं जाव
विहरमाणं पासइ, २ ता चुलणीपियं समणोवासयं दोच्चं
पि तच्चं पि एवं वयासी--हं भो ! चुलणीपिया ! सम-
णोवासया ! तहेव जाव ववरोविज्जसि” ॥१३७॥

तप णं तस्स चुलणीपियस्स समणोवासयस्स तेणं
देवेणं दोच्चं पि तच्चं पि एवं वुत्तस्स समाणस्स इमेया-
रूवे अज्जत्थिए ५--“अहो णं इमे पुरिसे अणारिए अणा-
रियबुद्धी अणारियाइं पावाइं कम्माइं समायरइ, जेणं ममं
जेट्टं पुत्तं साओ गिहाओ नीणेइ, २ ता मम अगगओ घापइ,
२ ता जहा कयं तहा चिन्तेइ जाव गायं आयञ्चइ, जेणं
ममं मज्झिमं पुत्तं साओ गिहाओ जाव सोणिपण य आय-
ञ्चइ, जेणं ममं कणीयसं पुत्तं साओ गिहाओ तहेव जाव
आयञ्चइ, जा वि य णं इमा ममं माया भद्दा सत्थवाही
देवयगुरुजणणी दुक्करदुक्करकारिया, तं पि य णं इच्छइ
साओ गिहाओ नीणेत्ता मम अगगओ घापत्तप, तं सेयं खलु
ममं पयं पुरिसं गिण्हित्तप” त्ति कट्टु उच्चाइप, से वि य
आगासे उप्पइप, तेणं च सस्समे आसाइप, महया महया
सहेणं कोलाहलै कप ॥१३८॥

तप णं सा भद्दा सत्थवाही तं कोलाहलसहं सोच्चा
मिसम्म जेणेव चुलणीपिया समणोवासप तेणेव उवागच्छइ,
२ ता चुलणीपियं समणोवासयं एवं वयासी—“किं णं,
पुत्ता ! तुमं महया महया सहेणं कोलाहले कप ? ॥१३९॥

तप णं से चुलणीपिया समणोवासप अम्मं भहं सत्थवाहिं
एवं वयासी—“एवं खलु, अम्मो ! न जानामि, के वि पुरिसे
आसुरत्ते ५ पगं महं नीलुप्पल जाव असिं गहाय ममं एवं
वयासी—“हं भो । चुलणीपिया ! समणोवासया ! अपत्थिय-
पत्थिया ! द्विरिसिरिधिइकित्तिवज्जिया ! जइ णं तुमं जाव
ववरोविज्जसि” । अहं तेणं पुरिसेणं एवं वुत्ते समाणे अभीष
जाव विहरामि । तप णं से पुरिसे ममं अभीयं जाव विह-
रमाणं पासइ, २ ता ममं दोच्चं पि तच्चं पि एवं वयासी—
“हं भो ! चुलणीपिया ! समणोवासया ! तहेव जाव गायं
आयञ्चइ । तप णं अहं तं उज्जलं जाव अहियासेमि ।
एवं तहेव उच्चारयेयव्वं सव्वं जाव कणीयसं जाव आय-
ञ्चइ । अहं तं उज्जलं जाव अहियासेमि । तप णं से पुरिसे
ममं अभीयं जाव पासइ, २ ता ममं चउत्थं पि एवं वयासी—
“हं भो ! चुलणीपिया ! समणोवासया ! अपत्थियपत्थिया !
जाव न भज्जसि, तो ते अज्ज जा इमा माया गुरु जाव
ववरोविज्जसि” । तप णं अहं तेणं पुरिसेणं एवं वुत्ते समाणे
अभीष जाव विहरामि । तप णं से पुरिसे दोच्चं पि तच्चं
पि ममं एवं वयासी—“हं भो ! चुलणीपिया ! समणोवासया !
अज्ज जाव ववरोविज्जसि” । तप णं तेणं पुरिसेणं दोच्चं
पि तच्चं पि ममं एवं वुत्तस्स समाणस्स इमेयारूवे अज्जत्थिप
५—“अहो ! णं इमे पुरिसे अणारिप जाव समायरइ, जेणं ममं
जेहं पुत्तं साओ गिहाओ तहेव जाव कणीयसं जाव

आयञ्चइ, तुम्हे वि य णं इच्छइ साओ गिहाओ नीणेत्ता मम अग्गओ घापत्तप, तं सेयं खलु ममं पयं पुरिसं गिण्हित्तप” त्ति कट्टु उद्दाइप । से वि य आगासे उप्पइप, मप वि य खम्मे आसाइप, महया महया सहेणं कोलाहले कप” ॥१४०॥

तप णं सा भहा सत्थवाही चुलणीपियं समणोवासयं पवं बयासी—नो खलु केइ पुरिसे तव जाव कणीयसं पुत्तं साओ गिहाओ नीणेइ, २ त्ता तव अग्गओ घापइ, पस न केइ पुरिसे तव उवसगं करेइ, पस णं तुमे विदरिसणे विट्ठे । तं णं तुमं इयाणिं भग्गव्वप भग्गनियमे भग्गपोसहे विहरसि । तं णं तुमं पुत्ता ! पयस्स ठाणस्स आलोपहि जाव पडिबज्जाहि ॥१४१॥

तप णं से चुलणीपिया समणोवासप अम्मगाप भहाप सत्थवाहीप “तह” त्ति पयमट्ठं विणपणं पडिसुणेइ, २ त्ता तस्स ठाणस्स आलोपइ जाव पडिबज्जइ ॥१४२॥

तप णं से चुलणीपिया समणोवासप पढमं उवासगपडिमं उवसंपज्जित्ताणं विहरइ । पढमं उवासगपडिमं अहासुत्तं जहा आणन्दो जाव एककारसमं पि ॥१४३॥

तप णं से चुलणीपिया समणोवासप तेणं उराल्लेणं जहा कामदेवो जाव सोहम्मे कप्पे सोहम्मवडिसगस्स महाविमाणस्स उत्तरपुरत्थिमेणं अरुणप्पमे विमाणे देवत्ताप उववन्ने । चत्तारि पलिओवमाइ ठिई पण्णत्ता । महाविदेहे वासे सिज्झहिइ ५ ॥१४४॥

॥ निक्खेवो ॥

॥ तइयं चुलणीपियज्झयणं समत्तं ॥

चउत्थे सुरादेवे अज्जमयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं षाणारसी
नामं नयरी । कोट्टप चेइए । जियसत्तू राया । सुरादेवे गाहा-
ईअड्ढे । छ हिरण्णकोडीओ जाव छ वया दसगोसाहस्सि-
यणं वपणं । धन्ना भारिया । सामी समोसढे । जहा आणन्दो
तहेव पडिवज्जइ गिहिधम्मं । जहा कामदेवो जाव समणस्स
भगवओ महावीरस्स धम्मपण्णत्ति उवसंपडिज्जत्ताणं बिह-
ए ॥१४५॥

तए णं तस्स सुरादेवस्स समणोवासयस्स पुव्वरत्ता-
वरत्तकालसमयंसि एगे देवे अन्तियं पाउब्भवित्था ॥१४६॥

से देवे एगं महं नीलुप्पल जाव असि गहाय सुरादेवं
समणोवासयं एवं वयासी - “हं भो ! सुरादेवा ! समणो-
वासया ! अपत्थियपत्थिया ४, जइ णं तुमं सीलाइं जाव न
मज्जसि, तो ते जेट्ठं पुत्तं साओ गिहाओ नीणेमि, २ त्ता तव
मगओ घापमि, २ त्ता पञ्च सोल्लए करेमि, आदाणभरि-
यंसि कडाहयंसि अहहेमि, २ त्ता तव गायं मंसेण य सोणि-
एण य आयञ्चामि, जहा णं तुमं अकाले चेव जीवियाओ
ववरोविज्जसि” ॥ एवं मज्झिमयं, कणीयसं, एककेक्के पञ्च
सोल्लया । तहेव करेइ, जहा चुलणीपियस्स, नवरं-एक्केक्के
पञ्च सोल्लया ॥ १४७॥

तए णं से देवे सुरादेवं समणोवासयं चउत्थं पि एवं
वयासी - “हं भो ! सुरादेवा ! समणोवासया ! अपत्थियपत्थि-
या ! ४ जाव न परिच्चयसि, तो ते अज्ज सरीरंसि जमगसम-
गमेव सोलस रोगायङ्गे पक्खिवामि, तं जहा सासे कासे
एव कोढे, जहा णं तुमं अट्टदुट्ट जाव ववरोविज्जसि”
॥१४८॥

तप णं से सुरादेवे समणोवासप जाव विहरइ ॥१४९॥
 एवं देवो दोच्चं पि तच्चं पि भणइ-जाव “ववरोवि-
 ज्जिसि” ॥ १५०॥

तप णं तस्स सुरादेवस्स समणोवासयस्स तेणं देवेणं दोच्चं
 पि तच्चं पि एवं वुत्तस्स समाणस्स इमेयारूवे अज्झत्थिय
 ४-“अहो ! णं इमे पुरिसे अणारिप जाव समायरइ, जेणं ममं-
 जेहं पुत्तं जाव कणीयसं जाव आयञ्चइ, जे वि य इमे-
 सोलस रोगायङ्का, ते वि य इच्छइ मम सरीरगंसि पक्खि-
 वित्तप, तं सेयं खलु ममं पयं पुरिसं गिण्हित्तप” त्ति कट्ठु
 उट्ठाइप । से वि य आगासे उप्पइप । तेण य खम्मे
 आसाइप, महया महया सद्देणं कोलाहले कप ॥१५१॥

तप णं सा धन्ना भारिया कोलाहलं सोच्चा निसम्म,
 जेणेव सुरादेवे समणोवासप तेणेव उवागच्छइ, २ ता पक्कं
 वयासी-“किं णं, देवाणुप्पिया ! तुब्भेहिं महया महया सद्देणं
 कोलाहले कप ?” ॥१५२॥

तप णं से सुरादेवे समणोवासप धन्नं भारियं एवं वयासी-
 “एवं खलु, देवाणुप्पिय ! के वि पुरिसे” तहेव कहेइ जहां
 चुलणीपिया । धन्ना वि पडिभणइ-जाव कणीयसं । “नो
 खलु, देवाणुप्पिया ! तुब्भं के वि पुरिसे सरीरंसि जमगसममं
 सोलस रोगायङ्के पक्खिवइ, एस न के वि पुरिसे तुब्भं
 उवसगं करेइ” । सेसं जहा चुलणीपियस्स तहा भणइ ॥१५३॥

एवं सेसं जहा चुलणीपियस्स निरवसेसं जाव सोहम्मो
 कप्पे अरुणकन्ते विमाणे उववन्ने । चत्तारि पलिओवमाहं
 ठिहं । महाविदेहं वासे सिज्झिहइ ॥१५४॥

॥ निकखेवो ॥

॥ चउत्थं सुरादेवज्जणं समसं ॥

पञ्चमे चुल्लसयए अञ्जयणे ।

॥ उक्खेवो ॥

एवं खलु, जम्बू ! तेणं कालेणं तेणं समणं आलभिया नामं नयरी । सङ्खवणे उज्जाणे । जियसत्तू राया । चुल्लसयए गाहावई अड्डे जाव छ हिरण्णकोडीओ जाव छ वया दसगो-साहस्सिपणं वणं । बहुला भारिया । सामी समोसढे । जहा आणन्दो तहा गिहिधम्मं पडिवज्जइ । सेसं जहा कामवेवो जाव धम्मपण्णत्तिं उवसंपज्जित्ताणं विहरइ ॥१५५॥

तए णं तस्स चुल्लसयगस्स समणोवासयस्स पुव्वरत्तावर-त्तकालसमयंसि एगे देवे अन्तियं जाव असिं गहाय एवं वयासी-“हं भो ! चुल्लसयगा ! समणोवासया ! जाव न भञ्जसि, तो ते अज्ज जेहं पुत्तं साओ गिहाओ नीणेमि, ” एवं जहा चुलणीपियं, नवरं-एक्केक्के सत्त मंससोल्लया, जाव कणीयसं जाव आयञ्चामि ॥१५६॥

तए णं से चुल्लसयए समणोवासए जाव विहरइ ॥१५७॥

तए णं से देवे चुल्लसयगं समणोवासयं चउत्थं पि एवं वयासी-“हं भो ! चुल्लसयगा ! समणोवासया ! जाव न भञ्जसि, तो ते अज्ज जाओ इमाओ छ हिरण्णकोडीओ निहाणपउत्ताओ छ वड्ढिपउत्ताओ छ पवित्थरपउत्ताओ, ताओ साओ गिहाओ नीणेमि, २ त्ता आलभियाए नयरीए सिंघाडग जाव पहेसु सव्वओ समन्ता विण्णइरामि, जहा णं तुमं अट्टदुहट्टवसट्टे अकाले चेव जीवियाओ ववरोवि-ञ्जसि” ॥१५८॥

तए णं से चुल्लसयए समणोवासए तेणं देवेणं एव बुत्ते समाणे अभीए जाव विहरइ ॥१५९॥

तए णं से देवे चुल्लसयगं समणोवासयं अभीयं जाव
पासित्ता दोच्चं पि तच्चं पि तद्देव भणइ जाव “ववरो-
विज्जसि” ॥१६०॥

तए णं तस्स चुल्लसयगस्स समणोवासयस्स तेणं देवेणं
दोच्चं पि तच्चं पि एवं वुत्तस्स समाणस्स अयमेयारूवे अज्झ-
त्थिए ४-“ अहो ! णं इमे, पुरिसे अणारिए जहा चुलणी-
पिया तहा चिन्तेइ जाव कणीयसं जाव आयञ्चइ, जाओ
वि य णं इमाओ ममं छ हिरण्णकोडीओ निहाणपउत्ताओ
छ वड्ढिपउत्ताओ छ पवित्थरपउत्ताओ, ताओ वि य णं
इच्छइ ममं साओ गिहाओ नीणेत्ता, आलभियाप नयरीए
सिंघाडग जाव विप्पइरित्तए, तं सेयं खलु ममं पयं पुरिसं
गिण्हित्तए” त्ति कट्टु उट्ठाइए जहा सुरादेवो । तद्देव भारिया
पुच्छइ, तद्देव कहेइ ॥१६१॥

सेसं जहा चुलणीपियस्स जाव सोहम्मे कप्पे अरुणसिद्धे
विमाणे उववन्ने । चत्तारि पलिओवमाइं ठिई । सेसं तद्देव
जाव महाविदेहे वासे सिज्झिहिइ ॥१६२॥

॥ निक्खेवो ॥

॥ पञ्चमं चुल्लसययऽज्झयणं समत्तं ॥

छट्ठे कुण्डकोलिए अज्झयणे ।

॥ उक्खेवो ॥

एवं खलु, जग्गू ! तेणं कालेणं तेणं समणं कम्पिल्लपुरे
नयरे । सहस्सम्भवणे उज्जाणे । जियसत्तू राया । कुण्डको-
लिए गाहावई । पूसा भारिया । छ हिरण्णकोडीओ निहाण-
पउत्ताओ छ वड्ढिपउत्ताओ छ पवित्थरपउत्ताओ छ घया
दसगोसाहस्सिएणं वएणं । सामी समोसढे । जहा कामदेवो

तहा सावयधम्मं पडिबज्जइ । सव्वेव वत्तव्वया जाव
पडिलाभेमाणे विहरइ ॥१६३ ॥

तप णं से कुण्डकोलिप समणोवासप अन्नया कयाइ
पुव्वावरण्हकालसमयंसि जेणेव असोगवणिया, जेणेव
पुढविसिलापट्टप, तेणेव उवागच्छइ, २ ता नाममुद्दं च
उत्तरिज्जं च पुढविसिलापट्टप ठवेइ, २ ता समणस्स भग-
वओ महावीरस्स अन्तियं धम्मपण्णत्ति उवसंपज्जित्ताणं
विहरइ ॥१६४॥

तप णं तस्स कुण्डकोलियस्स समणोवासयस्स पगे
देवे अन्तियं पाउम्भवित्था ॥१६५ ॥

तप णं से देवे नाममुद्दं च उत्तरिज्जं च पुढविसिलापट्ट-
याओ गेण्हइ, २ ता सखिखिणि अन्तलिकखपडिवन्ने कुण्ड-
कोलियं समणोवासयं एवं वयासी —“हं भो ! कुण्डको-
लिया ! समणोवासया ! सुन्दरी णं, देवाणुप्पिया, गोसालस्स
मङ्खलिपुत्तस्स धम्मपण्णत्ती” —“नत्थि उट्टाणे इ वा, कम्म इ वा
खले इ वा वीरिप इ वा पुरिसक्कारपरक्कमे इ वा, नियया
सव्वभावा” । “मङ्गुली णं समणस्स भगवओ महावीरस्स
धम्मपण्णत्ती—अत्थि उट्टाणे इ वा जाव परक्कमे इ वा,
अणियया सव्वभावा ” ॥ १६६ ॥

तप णं से कुण्डकोलिप समणोवासप तं देवं एवं वयासी-
“जइ णं, देवा ! सुन्दरी गोसालस्स मङ्खलिपुत्तस्स धम्म-
पण्णत्ती—नत्थि उट्टाणे इ वा जाव नियया सव्वभावा; मङ्गु-
ली णं समणस्स भगवओ महावीरस्स धम्मपण्णत्ती-
अत्थि उट्टाणे इ वा जाव अणियया सव्वभावा । तुमे णं,
देवा ! इमा पयारूवा दिव्वा देविड्ढी, दिव्वा देवज्जुइ, दिव्वे
देवागुभावे किण्णा लद्धे किण्णा पत्ते किण्णा अभिसमन्नागप !

किं उद्वाणेणं जाव पुरिसक्कारपरक्कमेणं, उदाहु अणुद्वाणेणं
अक्कमेणं जा अपुरिसक्कारपरक्कमेणं ? ” ॥१६७॥

(तप णं से देवे कुण्डकोलियं समणोवासयं एवं वयासी-
“एवं खलु, देवाणुप्पिया ! मप इमेयारूवा दिव्वा देविइढी ३
अणुद्वाणेणं जाव अपुरिसक्कारपरक्कमेणं लद्धा पत्ता अभिस-
मन्नागया” ॥१६८॥

(तप णं से कुण्डकोलिए समणोवासप तं देवं एवं
वयासी—“ जइ णं, देवा! तुमे इमा पयारूवा दिव्वा देविइढी ३
अणुद्वाणेणं जाव अपुरिसक्कारपरक्कमेणं लद्धा पत्ता अभिस-
मन्नागया, जेसि णं जीवाणं नत्थि उद्वाणे इ वा जाव पर-
क्कमे इ वा, ते किं न देवा ? अइ णं, देवा ! तुमे इमा पया
रूवा दिव्वा देविइढी ३ उद्वाणेणं जाव परक्कमेणं लद्धा पत्ता
अभिसमन्नागया, तो जं वदसि सुन्दरी णं गोसालस्स मङ्ग-
लिपुत्तस्स धम्मपण्णत्ती-नत्थि उद्वाणे इ वा जाव नियया
सव्वभावा-मङ्गुली णं समणस्स भगवओ महावीरस्स धम्म-
पण्णत्ती-अत्थि उद्वाणे इ वा जाव अणियया सव्वभावा,
तं ते मिच्छा” ॥१६९॥)

(तप णं से देवे कुण्डकोलिएणं समणोवासणं एवं वुत्ते
समाणे सङ्घिए जाव कलुसमावन्ने नो संचापइ कुण्डकोलि-
यस्स समणोवासयस्स किंचि पामोक्खमाइक्खत्तए; नाम-
मुद्दयं च उत्तरिज्जयं च पुढविसिलापट्टए ठवेइ, २ ता जामेव
दिसि पाउब्भूप, तामेव दिसि पडिगए ॥१७०॥) ५/७३५

तेण कालेण तेणं समणं सामी समोसढे ॥१७१॥

तप णं से कुण्डकोलिए समणोवासप इमीसे कहाए
लद्धे हइ जहा कामदेसो तहा निग्गच्छइ जाव पज्जुवासइ ॥
धम्मकहा ॥१७२॥

“कुण्डकोलिया !” इ समणे भगवं महावीरे कुण्डकोलियं एवं वयासी—“से नूणं कुण्डकोलिया ! कल्लं तुभं पुब्बावरण्ह-कालसमयंसि असोगवणियाप एगे देवे अन्तियं पाउब्भवित्था । तप णं से देवे नाममुहं च तहेव जाव पडिगप । से नूणं, कुण्डकोलिया ! अट्ठे समट्ठे ” ?

“हन्ता, अत्थि” ।

“तं घन्ने सि णं तुमं, कुण्डकोलिया !” जहा कामदेवो ॥१७३॥

अज्ज्ञो ! इ समणे भगवं महावीरे समणे निग्गन्थे य निग्गन्थीओ य आमन्तित्ता एवं वयासी—जइ ताव, अज्ज्ञो ! गिहिणो गिहिमज्झा वसन्ता णं अन्नउत्थिप अट्ठहि य हेउहि य पसिणेहि य कारणेहि य वागरणेहि य निप्पट्ठ-पसिणवागरणे करेन्ति, सेक्को पुणाइं, अज्ज्ञो ! समणेहिं निग्गन्थेहिं दुवालसङ्गं गणिपिडगं अहिज्जमाणेहिं अन्न-उत्थिया अट्ठहि य जाव निप्पट्ठपसिणा करित्तप ॥१७४॥

तप णं समणा निग्गन्था य निग्गन्थीओ य समणस्स भगवओ महावीरस्स “तह” त्ति एयमट्ठं विणपणं पडिसु-णेन्ति ॥१७५॥

तप णं से कुण्डकोलिप समणोवासप समणं भगवं महावीरं वन्दइ नमंसइ, २ ता पसिणाइं पुच्छइ, २ ता अट्ठ-मादियइ, २ ता जामेव दिसिं पाउब्भूप तामेव दिसिं पडि-गप । १७६॥

सामी बहिया जणवयविहारं विहरइ ॥१७७॥

तप णं तस्स कुण्डकोलियस्स समणोवासयस्स बहूहिं सील जाव भावेमाणस्स चोहस संवच्छराइं वीइकन्ताइं । पण-रसमस्स संवच्छरस्स अन्तरा वट्ठमाणस्स अन्नया कयाइ जहा कामदेवो तहा जेट्ठपुत्तं ठवेत्ता तहा पोसहसालाप जाव

धम्मपण्णात्ति उवसंपज्जित्ताणं विहरइ ॥ एवं पक्कारस उवास-
गपडिमाओ ॥१७८॥

तहेव जाव सोहम्मे कप्पे अरुणज्झप विमाणे जाव
अन्तं काहिइ ॥१७९॥

॥ निक्खेवो ॥

॥ छट्ठं कुण्डकोलियऽज्झयणं समत्तं ॥

सत्तमे सद्दालपुत्ते अज्झयणे ।

॥ उक्खेवो ॥

पोलासपुरे नामं नयरे । सहस्सम्बवणे उज्जाणे । जिय-
सत्तू राया ॥१८०॥

तत्थ णं पोलासपुरे नयरे सद्दालपुत्ते नामं कुम्भकारे
आजीविओवासप परिवसइ । (आजीवियसमयंसि लद्धे
गहियट्ठे पुच्छियट्ठे विणिच्छियट्ठे अभिगयट्ठे अट्ठिमिजपेमा-
णुरागरत्ते य)“ अयमाउसो ! आजीवियसमप अट्ठे अयं पर-
मट्ठे सेसे अणट्ठे” त्ति आजीवियसमपणं अण्णाणं भावेमाणे
विहरइ ॥१८१॥

तस्स णं सद्दालपुत्तस्स आजीविओवासगस्स पक्का
हिरण्णकोडी निहाणपउत्ता पक्का वड्ढिपउत्ता पक्का पविथ-
रपउत्ता पक्के वप दसगोसाहस्सिणं वपणं ॥१८२॥

तस्स णं सद्दालपुत्तस्स आजीविओवासगस्स अग्गिमित्ता
नामं भारिया होत्था ॥१८३॥

तस्स णं सद्दालपुत्तस्स आजीविओवासगस्स पोलास-
पुरस्स नगरस्स बहिया पञ्च कुम्भकारावणसेया होत्था । तत्थ
णं बहवे पुरिसा दिण्णभइभत्तवेयणा कल्लाकल्लि बहवे करप
य वारप य पिहडप य घडप य अद्धघडप य कलसप य
अलिअरप य जम्बूलप य उट्ठियाओ य करेन्ति । अन्ने य से

बहवे पुरिसा दिण्णभइभत्तवेयणा कल्लाकल्लिं तेहिं बहूहिं कर-
पहिं य जाव उट्टियाहिं य रायमग्गंसि विट्ठिं कप्पेमाणा
विहरन्ति ॥१८४॥)

तए णं से सद्दालपुत्ते आजीविओवासए अन्नया कयाइ
पुव्वावरण्हकालसमयंसि जेणेव असोगवणिया तेणेव उवा-
गच्छइ २ ता गोसालस्स मङ्गलिपुत्तस्स अन्तियं धम्मपण्णत्तिं
उव संपज्जित्ताणं विहरइ ॥१८५॥

तए णं तस्स सद्दालपुत्तस्स आजीविओवासगस्स एगे
देवे अन्तियं पाउब्भविट्ठ्या ॥१८६॥

(तए णं से देवे अन्तलिक्खपडिवन्ने सखिखिणियाइं
जाव परिहिंए सद्दालपुत्तं आजीविओवासयं एवं वयासी—
“एहिं णं, देवाणुप्पिया ! कल्लं इहं महामाहणे उप्पन्नणाण-
दंसणधरे तीयपडुप्पन्नमणागयजाणए अरहा जिणे केवली
सव्वण्णू सव्वदरिसी तेलोक्कवहियमइयपूइए सदेवमगुआसु-
रस्स लोगस्स अच्चणिज्जे वन्दणिज्जेसक्कारणिज्जे संमाणणिज्जे
कल्लाणं मङ्गलं देवयं चैइयं जाव पज्जुवासणिज्जे तच्चकम्म-
संपयासंपउत्ते । तं णं तुमं वन्देज्जाहिं जाव पज्जुवासेज्जाहिं,
पाडिहारिपणं पीढफलगसिज्जासंथारपणं उवनिमन्तेज्जाहिं”।
इच्छं पि तच्चं पि एवं वयइ २ ता जामेव दिंसि
पाउब्भूए तामेव दिंसि पडिगए ॥१८७॥)

तए णं तस्स सद्दालपुत्तस्स आजीविओवासगस्स तेणं
विणं एवं वुत्तस्स समाणस्स इमेयारूवे अज्झत्थिए ४ समु-
पन्ने—“एवं खलु ममं धम्मायरिए धम्मोवएसए गोसाले
ङ्गलिपुत्ते, से णं महामाहणे उप्पन्नणाणदंसणधरे जाव
क्ककम्मसंपयासंपउत्ते, से णं कल्लं इहं हव्वमागच्छिस्सइ ।
ए णं तं अहं वन्दिस्सामि जाव पज्जुवासिस्सामि, पाडिहा-
एणं जाव उवनिमन्तिस्सामि” ॥१८८॥

तप णं कल्लं जाव जलन्ते समणे भगवं महावीरे
समोसरिय । परिस्सा निग्गया जाव पज्जुवासइ ॥१८९॥

तप णं से सहालपुत्ते आजीविओवासए इमीसे कहाए
लद्धदृठे समाणे, “एवं खलु समणे भगवं महावीरे जाव वि-
हरइ, तं मच्छामि णं समणं भगवं महावीरं वन्दामि अण्ण
पज्जुवासामि”, एव संपेहेइ, २ ता ण्हाए जाव पायच्छिञ्चे
सुद्धप्पावेसाइ जाव अप्पमहग्घाभरणालंकियसरीरे मणुस्स-
वग्गुरापारिगए साओ गिहाओ पड्डिणिकखमइ, २ ता पोला-
सपुरं नयरं मज्झमज्झेणं निग्गच्छइ, ता जेणेव सहस्स-
म्भवणे उज्जाणे जेणेव समणे भगवं महावीरे तेणेव उवा-
गच्छइ, २ ता तिकखुत्तो आयाहिणं पयाहिणं करेइ, २ च्च
वन्दइ नमंसइ, २ ता जाव पज्जुवासइ ॥१९०॥

तप णं समणे भगवं महावीरे सहालपुत्तस्स आजीवि-
ओवासगस्स तीसे य महइ जाव धम्मकहा समज्जा ॥१९१॥

“सहालपुत्ता !” इ समणे भगवं महावीरे सहालपुत्तं
आजीविओवासयं एवं वयासी-“से नूणं, सहालपुत्ता !
कल्लं तुमं पुव्वावरण्हकालसमयंसि जेणेव असोगवणिया
जाव विहरसि । तप णं तुब्भं एगे देवे अन्तियं पाउब्भ-
वित्था । तप णं से देवे अन्तलिकखपड्डिवन्ने एवं वयासी-
“हं भो ! सहालपुत्ता !” तं चेव सव्वं जाव “पज्जुवासि-
स्सामि” । से नूणं, सहालपुत्ता ! अदृठे समदृठे ? ॥

“हंता, अत्थि”

“नो खलु सहालपुत्ता ! तेणं देवेणं गोसालं मंखलिपुत्तं
पणिहाय एवं बुत्ते” ॥१९२॥

तप णं तस्स सदहालपुत्तस्स आजीविओवासयस्स सम-
णेणं भगवया महावीरेणं एवं बुत्तस्स समाणस्स इमे
थारूवे अज्झत्थिय ४-“एस णं समणे भगवं महावीरे मद्दा
माहणे उप्पन्नणाणदंसणधरे जाव तच्चकम्मसंपयासंपउत्ते”

तं सेयं खलु ममं समणं भगवं महावीरं वन्दित्वा नमंसित्ता
पाडिहारिणं पीढफलम जाव उवनिमन्तित्तप” एवं संपेहेइ,
२ ता उट्ठाए उट्ठेइ, २ ता समणं भगवं महावीरं वन्दइ
नमंसइ, २ ता एवं वयासी-“एवं खलु, भन्ते ! ममं पोला-
सपुरस्स नयरस्स बहिया पञ्च कुम्भकारावणसया । तत्थ
णं तुम्हे पाडिहारियं पीढ जाव संधारयं ओगिण्हत्ताणं
विहरइ” ॥१९३॥

तए णं समणे भगवं महावीरे सद्दालपुत्तस्स आजीवि-
ओवासगस्स पयमट्ठं पडिसुणेइ, २ ता सद्दालपुत्तस्स
आजीविओवासगस्स पञ्च कुम्भकारावणसपसु फासुएस-
णिज्जं पाडिहारियं पीढफलम जाव संधारयं ओगिण्हत्ताणं
विहरइ ॥१९४॥

तए णं से सद्दालपुत्ते आजीविओवासए अन्नया कयाइ
वायाहययं कोलालभण्डं अन्तो सालाहिंतो बहिया नीणेइ,
२ ता आयवंसि दलयइ ॥१९५॥

तए णं समणे भगवं महावीरे सद्दालपुत्तं आजीवि-
ओवासयं एवं वयासी-“सद्दालपुत्ता ! एस णं कोलालभण्डे
कओ ?” ॥१९६॥

तए णं से सद्दालपुत्ते आजीविओवासए समणं भगवं
महावीरं एवं वयासी-“ एस णं, भन्ते ! पुण्वि मट्टिया आसी,
तओ पच्छा उदपणं निमिज्जइ, २ ता छारेण य करिसेण य
एगयओ मीसिज्जइ, २ ता चक्के आरोहिज्जइ, तओ बहवे
करगा य जाव उट्टियाओ य कज्जन्ति” ॥१९७॥

तए णं समणे भगवं महावीरे सद्दालपुत्तं आजीविओवा-
सयं एवं वयासी-“सद्दालपुत्ता ! एस णं कोलालभण्डे किं
उट्टाणेणं जाव पुरिसक्कारपरक्कमेणं कज्जति, उदाहु अणुट्टा-
णेणं जाव अपुरिसक्कारपरक्कमेणं कज्जति ?” ॥१९८॥

तए णं से सददालपुत्ते आजीविओवासए समणं भगवं
महावीरं एवं वयासी- “भन्ते ! अगुट्टाणेणं जाव अपुरिस-
क्कारपरक्कमेणं, नत्थि उट्टाणे इ वा जाव परक्कमे इ वा,
नियया सव्वभावा” ॥१९९॥

तए णं समणे भगवं महावीरे ! सददालपुत्तं आजीविओ-
वासयं एवं वयासी- “सददालपुत्ता ! जइ णं तुब्भं केइ पुरिसे
वायाहयं वा पक्केल्लयं वा कोलालभण्डं अवहरेज्जा वा
विक्खिरेज्जा वा भिन्देज्जा वा अच्छिन्देज्जा वा परिट्ठवेज्जा
वा अग्गिमित्ताए वा भारियाए सद्धि विउलाइं भोगभोगाइं
भुञ्जमाणे विहरेज्जा, (तस्स णं तुमं पुरिसस्स किं दण्डं
वत्तेज्जासि ?)”

“भन्ते ! अहं णं तं पुरिसं आओसेज्जा वा हणेज्जा वा
बन्धेज्जा वा महेज्जा वा तज्जेज्जा वा तालेज्जा वा निच्छोडेज्जा
वा निम्भच्छेज्जा वा अकाले च्चव जीवियाओ ववरोवेज्जा” ॥
“सददालपुत्ता ! नो खलु तुब्भं केइ पुरिसे वायाहयं वा
पक्केल्लयं वा कोलालभण्डं अवहरइ वा जाव परिट्ठवेइ वा
अग्गिमित्ताए वा भारियाए सद्धि विउलाइं भोगभोगाइं भुञ्ज-
माणे विहरइ । नो वा तुमं तं पुरिसं आओसेज्जसि वा हणे-
ज्जसि वा जाव अकाले च्चव जीवियाओ ववरोवेज्जसि । जइ
नत्थि उट्टाणे इ वा जाव परक्कमे इ वा, नियया सव्वभावा ।
अह णं, तुब्भं केइ पुरिसे वायाहयं जाव परिट्ठवेइ वा अग्गि-
मित्ताए वा जाव विहरइ, तुमं वा तं पुरिसं आओसेसि वा
जाव ववरोवेसि । तो जं वदसि (वत्थि उट्टाणे इ वा जाव
नियया सव्वभावा, तं ते मिच्छा” ॥२००॥

एत्थणं से सददालपुत्ते आजीविओवासए संबुद्धे ॥२०१॥

तए णं से सददालपुत्ते आजीविओवासए समणं भगवं

महावीरं वन्दइ नमंसइ, २ ता एवं वयासी-” इच्छामि णं, भन्ते, तुब्भं अन्तिप धम्मं निसामेत्तप ” ॥२०२॥

तए णं समणं भगवं महावीरे सद्दालपुत्तस्स आजीवि-
ओवासगस्स तीसे य जाव धम्मं परिकहेइ ॥२०३॥

तए णं से सद्दालपुत्ते आजीविओवासए समणस्स भग-
वओ महावीरस्स अन्तिप धम्मं सोच्चा निसम्म हट्टतुट्ट जाव
हियए जहा आणन्दो तथा गिहिधम्मं पडिवज्जइ । नवरं-
एगा हिरण्णकोडी निहाणपउत्ता एगा हिरण्णकोडी वड्ढिप-
उत्ता एगा हिरण्णकोडी पविथरपउत्ता एगे वए दसगोसा-
हस्सिएणं वएणं जाव समणं भगवं महावीरं वन्दइ नमंसइ,
२ ता जेणेव पोलासपुरे नयरे तेणेव उवागच्छइ, २ ता
पोलासपुरं नयरं मज्झंमज्झेणं जेणेव सए गिहे, जेणेव
अग्गिमित्ता भारिया तेणेव उवागच्छइ, २ ता अग्गिमित्तं
भारियं एवं वयासी- “एवं खलु, देवाणुप्पिए ! समणे भगवं
महावीरे जाव समोसढे, तं गच्छाहि णं तुमं, समणं भगवं
महावीरं वन्दाहि जाव पज्जुवासाहि, समणस्स भगवओ
महावीरस्स अन्तिप पञ्चाणुव्वइयं सत्तसिक्खावइयं दुवा-
लसविहं गिहिधम्मं पडिवज्जाहि ” ॥२०४ ॥

तए णं सा अग्गिमित्ता भारिया सद्दालपुत्तस्स समणो
वासगस्स ‘तह’ त्ति पयमहं विणएण पडिसुणेइ ॥२०५॥

तए णं से सद्दालपुत्ते समणोवासए कोडुम्बियपुरिसे
सद्दावइ, २ ता एवं वयासी-“खिप्पामेव, भो ! देवाणु-
प्पिया ! लहुकरणजुत्तजोइयं समखुरवालिहाणसमलिहिय-
सिक्कएहिं जम्बूणयामयकलावजोत्तपइविसिद्धएहिं रययाम-
यघण्टसुत्तरज्जुगवरकञ्चणखइयनत्थापग्गहोग्गाहियएहिं नीलु-
प्पलकयामेल्लएहिं पवरगोणजुवाणएहिं नाणामणिकणग-
घण्टियाजालपरिगयं सुजायजुगजुत्तउज्जुगपसत्थसुविरइय-

निम्भियं पवरलक्खणोववेयं जुत्तामेव धम्मियं जाणप्पवरं
उवट्टवेह, २ ता ममं पयमाणत्तियं पच्चप्पिणह ॥ २०६ ॥

तप णं ते कोडुम्भियपुरिसा जाव पच्चप्पिणन्ति ॥२०७॥

तप णं सा अग्गिमित्ता भारिया ण्हाया जाव पायच्छित्ता
सुद्धप्पावेसाइं जाव अप्पमहग्घाभरणालंकियसरीरा
चेडियाचक्खवालपरिकिण्णा धम्मियं जाणप्पवरं दुरुहइ, २ ता
पोलासपुरं नगरं मज्झमज्जेणं निग्गच्छइ, २ ता जेणेव सह-
स्सम्भवणे उज्जाणे तेणेव उवागच्छइ, २ ता धम्मियाओ
जाणाओ पच्चोरुहइ, २ ता चेडियाचक्खवालपरिवुडा जेणेव
समणे भगवं महावीरे तेणेव उवागच्छइ; २ ता तिक्खुत्तो
जाव वन्दइ नमंसइ, २ ता नच्चासन्ने नाइदूरे जाव पञ्जलि-
उडा ठिइया चेव पज्जुवासइ ॥२०८॥

तप णं समणे भगवं महावीरे अग्गिमित्ताप तीसे य
जाव धम्मं कहेइ ॥२०९॥

तप णं सा अग्गिमित्ता भारिया समणस्स भगवओ
महावीरस्स अन्तिप धम्मं सोच्चा निसम्म हट्टतुट्ठा समणं
भगवं महावीरं वन्दइ नमंसइ, २ ता एवं वयासी—“सह-
हामि णं, भन्ते ! निग्गन्थं पावयणं जाव से जहेयं तुम्हे
वयह । जहा णं देवाणुप्पियाणं अन्तिप बहवे उग्गा भोगा
जाव पव्वइया, नो खलु अहं तथा संचापमि देवाणुप्पियाणं
अन्तिप मुण्डा भवित्ता जाव । अहं णं देवाणुप्पियाणं
अन्तिप पञ्चाणुब्बइयं सत्तसिक्खावइयं दुक्खालसविहं गिद्धि-
धम्मं पडिवज्जिस्सामि । अहासुहं, देवाणुप्पिया ! मा पडि-
बन्धं करेह” ॥२१०॥

तप णं सा अग्गिमित्ता भारिया समणस्स भगवओ
महावीरस्स अन्तिप पञ्चाणुब्बइयं सत्तसिक्खावइयं दुक्खाल-
सविहं सावणधम्मं पडिवज्जइ; २ ता समणं भगवं महावीरं

बन्द्इ नमंसइ, २ ता तमेव धम्मियं जाणप्पवरं दुरुहइ,
२ ता जामेव दिस्सि पाउब्भूत्तातामेव दिस्सि पडिगया ॥२११

तप णं समणे भगवं महवीरे अन्नया कयाइ पोलास-
पुराओ सहस्सम्बवणाओ पडिनिग्गच्छइ, २ ता बहिया
जणवयविहारं विहरइ ॥२१२॥

तप णं से सहालपुत्ते समणोवासप जाप अभिगयजीवा-
जीवे जाव विहरइ ॥२१३॥

तप णं से गोसाले मङ्खलिपुत्ते इमीसे कहाप लद्धट्ठे
समाणे, “एवं खलु सहालपुत्ते आजीवियसमयं वमित्ता सम-
णाणं निग्गन्थाणं दिट्ठि पडिवन्ने । तं गच्छामि णं सहालपुत्तं
आजीविओवासयं समणाणं निग्गन्थाणं दिट्ठि वामेत्ता पुण-
रवि आजीवियदिट्ठि गेण्हावित्तप ” त्ति कट्टु एवं संपेहेइ,
२ ता आजीवियसंघपरिवुडे जेणेव पोलासपुरे नयरे, जेणे-
व आजीवियसभा, तेणेव उवागच्छइ, २ ता आजीवियस-
भाप भण्डगनिक्खेवं करेइ, २ ता कइवपहिं आजीविपहिं
सद्धि जेणेव सद्दालपुत्ते समणोवासप तेणेव उवागच्छइ
॥२१४॥

तप णं से सद्दालपुत्ते समणोवासप गोसालं मङ्खलिपुत्तं
एज्जमाणं पासइ, २ ता नो आढाइ नो परिजाणइ, अणा-
ढायमाणे अपरिजाणमाणे तुसिणीए संचिद्धइ ॥२१५॥

तप णं से गोसाले मङ्खलिपुत्ते सद्दालपुत्तेणं समणोवास-
एणं अणाढाइज्जमाणे अपरिजाणिज्जमाणे पीढफलगसिज्जा-
संथारट्ठाप समणस्स भगवओ महावीरस्स गुणकित्तणं करे-
माणे सद्दालपुत्तं समणोवासयं एवं वयासी- “अम्मप णं,
देवाणुप्पिया ! इहं महामाहणे” ॥२१६॥

तप णं से सहालपुत्ते समणोवासप गोसालं मङ्खलिपुत्तं
एवं वयासी- “के णं, देवाणुप्पिया ! महामाहणे ?” ॥२१७॥

तप णं से गोसाले मङ्गलिपुत्ते सद्दालपुत्तं समणोवासयं
एवं वयासी-“समणे भगवं महावीरे महामाहणे” ॥

“ से केणट्ठेणं, देवाणुप्पिया ! एवं वुच्चइ-समणे भगवं
महावीरे महामाहणे ? ”

“ एवं खलु, सद्दालपुत्ता ! समणे भगवं महावीरे महा-
माहणे ^{उत्पन्नणाणंदंसणधरे} जाव महियपूइए जाव तच्च-
कम्मसंपयासंपउत्ते । से तेणट्ठेणं, देवाणुप्पिया ! एवं वुच्चइ-
समणे भगवं महावीरे महामाहणे । ”

“आगए णं, देवाणुप्पिया ! इहं महागोवे ” ॥

“ के णं, देवाणुप्पिया ! महागोवे ? ”

“ समणे भगवं महावीरे महागोवे ॥ ”

“ से केणट्ठेणं, देवाणुप्पिया ! जाव महागोवे ? ”

“ एवं खलु, देवाणुप्पिया ! समणे भगवं महावीरे संसा-
राडवीए बहवे जीवे नस्समाणे विणस्समाणे खज्जमाणे
छिज्जमाणे भिज्जमाणे लुप्पमाणे विलुप्पमाणे धम्ममपणं
दण्डेणं सारक्खमाणे संगोवेमाणे, निव्वाणमहावाडं साहत्थिं
संपावेइ । से तेणट्ठेणं, सद्दालपुत्ता ! एवं वुच्चइ-समणे भगवं
महावीरे महागोवे । ”

“ आगए णं, देवाणुप्पिया ! इहं महासत्थवाहे ” ॥

“ के णं, देवाणुप्पिया ! महासत्थवाहे ? ”

“ सद्दालपुत्ता ! समणे भगवं महावीरे महासत्थवाहे ” ॥

“ से केणट्ठेणं ? ”

एवं खलु, देवाणुप्पिया ! समणे भगवं महावीरे संसा-
राडवीए बहवे जीवे नस्समाणे विणस्समाणे जाव विलुप्प-
माणे धम्ममपणं पन्थेणं सारक्खमाणे निव्वाणमहापट्ठणा-
भिमुहे साहत्थिं संपावेइ । से तेणट्ठेणं, सद्दालपुत्ता ! एवं

बुच्चइ-समणे भगवं महावीरे महासत्थवाहे । आगप णं, देवाणुप्पिया ! इहं महाधम्मकही ” ॥

“ के णं, देवाणुप्पिया ! महाधम्मकही ? ”

“ समणे भगवं महावीरे महाधम्मकही ” ॥

“ से केणट्टेणं समणे भगवं महावीरे महाधम्मकही ? ”

‘ एवं खलु, देवाणुप्पिया ! समणे भगवं महावीरे महइ-महालयसि संसारंसि बहवे जीवे नस्समाणे विणस्समाणे इम्मग्गपडिवन्ने सप्पहविप्पणट्टे मिच्छत्तबलाभिभूए अट्टविहकम्मतमपडलपडोच्छन्ने बहूहि अट्टेहि य जाव वागरणेहि य चाउरन्ताओ संसारकन्तीरोओ साहत्थि नित्थारेइ । से तेणट्टेणं, देवाणुप्पिया ! एवं बुच्चइ-समणे भगवं महावीरे महाधम्मकही । ”

“आगप णं, देवाणुप्पिया, इहं महानिज्जामए !”

“के णं, देवाणुप्पिया ! महानिज्जामए ? ”

“समणे भगवं महावीरे महानिज्जामए ” ॥

“से केणट्टेणं ”

“एवं खलु, देवाणुप्पिया ! समणे भगवं महावीरे संसारमहासमुहे बहवे जीवे नस्समाणे विणस्समाणे बुइड-माणे निबुइडमाणे उप्पियमाणे धम्ममइए नावाए निव्वाण-तीराभिमुहे साहत्थि संपावेइ । से तेणट्टेणं, देवाणुप्पिया ! एवं बुच्चइ-समणे भगवं महावीरे महानिज्जामए” ॥२१८॥

तए णं से सद्दालपुत्ते समणोवासए गोसालं मज्जलिपुत्तं एवं वयासी-“ तुब्भे णं, देवाणुप्पिया ! इयच्छेयां जाव इयनिउणा इयनयवादी इयउवपसल्लद्धा इयविण्णाणपत्ता, पभू णं तुब्भे मम धम्मायरिपणं धम्मोवपसपणं भगवया महावीरेणं सद्धि विवादं करेत्तए ?”

‘नो इण्डे समहे’

से केणट्टेणं, देवाणुणिया ! पवं बुच्चइ-नो खलु पमू तुब्भे मम धम्मायरिपणं जाव महावीरेणं सद्धि विवादं करेत्तप ?” ॥

“सद्दालपुत्ता ! से जहानामप केइ पुरिसे तरुणे जुगुव्वं जाव निउणसिण्णोवणप पणं महं अयं वा पलयं वा सुयरं वा कुक्कुडं वा तिच्चरं वा वट्टयं वा लोवयं वा कवाये वा कविअलं वा वायसं वा सेणयं वा इत्थंसि वा पायसि वा खुरांसि वा पुच्छसि वा पिच्छसि वा सिङ्गसि वा विसाणंसि वा रोमंसि वा जहिं जहिं गिण्हइ, तहिं तहिं निच्चलं निष्फंदं धरेइ । पवामेव समणे भगवं महावीरे ममं बहहिं अट्टेहि य हेऊहि य जाव वामरणेहि य जहिं जहिं गिण्हइ, तहिं तहिं निष्पट्टपसिणवागरणं करेइ । से तेणट्टेणं, सद्दालपुत्ता ! पवं बुच्चइ-नो खलु पमू अहं तव धम्मायरिपणं जाव महावीरेणं सद्धि विवादं करेत्तप” ॥२१९॥

तप णं से सद्दालपुत्ते समणोवासपं गोसालं मङ्गलिपुत्तं पवं वयासी-“ जम्हा णं, देवाणुणिया, तुब्भे मम धम्मायरियस्स जाव महावीरस्स सन्तेहि तच्चाहि तहिपहि सब्भुपहि भावेहि गुणकत्तणं करेइ, तम्हा णं अहं तुब्भे पाडिहारिपणं पीढ जाव संथारपणं उवनिमन्तेमि । नो चेव णं धम्मो त्ति वा तवो त्ति वा । तं गच्छइ णं तुब्भे मम कुम्भारावणेषु पाडिहारियं पीढफळग जाव ओगिण्हित्ताणं विहरइ” ॥२२०॥

तप णं से गोसाले मङ्गलिपुत्ते सद्दालपुत्तस्स समणोवासयस्स पयमहं पडिलुणेइ, २ त्ता कुम्भारावणेषु पाडिहारियं पीढ जाव आविण्हित्ताणं विहरइ ॥२२१॥

तप णं से गोसाले मङ्गलिपुत्ते सद्दालपुत्तं समणोवासमं जाहे नो संचापइ बहहिं आघवणाहिय पण्णवणाहिय सण्णव-

अहि व विण्णवणाहि य निम्नथाओ पावयणाओ जालित्तप
 वा सोभित्तप वा विपरिणामित्तप वा, ताहे सन्ते तन्ते परि-
 पोलासपुराओ नगराओ पडिणिक्खमइ, २ ता बहिया
 णवयविहारं विहरइ ॥२२२॥

तप णं तस्स सद्दालपुत्तस्स समणोवासयस्स बहूहि
 जील जाव भावेमाणस्से चोइस संवच्छरा बीइक्कन्ता ।
 ण्णरसमस्स संवच्छरस्स अन्तरा वट्टमाणस्स पुव्वरत्ता-
 वरत्तकाले जाव पोसहसालाप समणस्स भग्गओ महावी-
 हस्स अन्तियं धम्मपण्णत्ति उवसंपज्जित्ताणं विहरइ ॥२२३॥

तप णं तस्स सद्दालपुत्तस्स समणोवासयस्स पुव्वरत्तावर-
 त्तकाले एगे देवे अन्तियं पाउब्भविथा ॥२२४॥

तप णं से देवे एगं महं नीलुपपल जाव बसि गहाय
 सह्यालपुत्तं समणोवासयं एवं वयासी-जहा बुलणीपयस्स
 तद्देव देवो उवसग्गं करेइ । नवरं-पक्के पुत्ते नव मंससोल्लप
 करेइ । जाव कणीयसं घापइ, २ ता जाव आयब्बइ ॥२२५॥

तप णं से सह्यालपुत्ते समणोवासयं अभीय जाव विहरइ
 ॥२२६॥

तप णं से देवे सह्यालपुत्ते समणोवासयं अभीयं जाव
 पासित्ता चउत्थं पि सह्यालपुत्तं समणोवासयं एवं वयासी-
 "हं भो ! सह्यालपुत्ता ! समणोवासया ! अपत्थियपत्थिया !
 जाव तु भज्जसि, तओ ते जा इमा अरिामित्ता भारियां
 धम्मसहाइया, धम्मबिइज्जिया धम्माणुरागरत्ता समसुह-
 दुक्खसहाइया, तं ते साओ मिहाओ नीणेमि, २ ता तव
 अग्गओ ज्ञापमि, २ ता नव मंससोल्लप करेमि, २ ता आदा-
 णभरियंसि कडाइयंसि अइहमि, २ ता तव नावं मंसेण व
 सोणिपणं व आयब्बामि, जहा णं तुमं अट्टुइइ जाव ववरो-
 चित्तसि ॥२२७॥

तप णं से सहालपुत्ते समणोवासप तेणं देवेणं पधं वृत्ते
समाणे अभोप जाव विहरइ ॥२२८॥

तप णं से देवे सहालपुत्तं समणोवासयं दोषं पि तच्चं
पि पवं वयासी-“हं भो ! सहालपुत्ता ! समणोवासया !” तं
चेव भणइ ॥२२९॥

तप णं तस्स सहालपुत्तस्स समणोवासयस्स तेणं देवेणं
दोच्चं पि तच्चं पि पवं बुत्तस्स समणस्स अयं अज्झत्थिप
धं समुप्पन्ने-पवं जहा चुलणीपिया तहेव चिन्तेइ । “जेणं
ममं जेट्ठं पुत्तं, जेणं ममं मज्झिमयं पुत्तं, जेणं ममं कणीयसं
पुत्तं जाव आयञ्चइ जा वि य णं ममं इमा अग्गिमित्ता
भारिया समसुहदुक्खसहाइया, तं पि य इच्छइ साओ
गिहाओ नीणेत्ता ममं अग्गओ घापत्तप । तं सेयं खलु ममं
पर्यं पुरिसं गिण्हत्तप” त्तिकट्टु उट्ठाइप जहा चुलणीपिया
तहेव सव्वं भाणियव्वं । नवरं-अग्गिमित्ता भारिया कोलाहलं
सुणित्ता भणइ । सेसं जहा चुलणीपियावत्तव्वया, नवरं-
अरुणच्चप विमाणे उववन्ने जाव महाविदेहे वासे सिज्झि-
हिइ ॥२३०॥

॥निकखेवो॥

॥सत्तमं सहालपुत्तऽज्झयणं समत्तं॥

अट्ठमे महासयये अज्झयणे

॥ उक्खेवा ॥

पवं खलु, जम्बू ! तेणं कालेणं तेणं समपणं रायगिहे
नयरे । गुणसिले चेइप । सेणिप राया ॥२३१॥

तत्थ णं रायगिहे महासययं नामं गाहावई परिवसइ
अइहे जहा आणन्दो । नवरं-अट्ट हिरण्णकोडीओ सकं-

साओ निहाणपउत्ताओ, अट्ट हिरण्णकोडीओ सकंसाओ
वड्ढिडपउत्ताओ, अट्ट हिरण्णकोडीओ सकंसाओ पवित्थर-
पउत्ताओ, अट्ट वया दसगोसाहस्सिपणं वणं ॥२३२॥

तस्स णं महासययस्स रेवईपामोक्खाओ तेरस भारि-
याओ होत्था, अहीण जाव सुरूवाओ ॥२३३॥

तस्स णं महासययस्स रेवईप भारियाप कोलघरि-
याओ अट्ट हिरण्णकोडीओ, अट्ट वया दसगोसाहस्सिपणं
वणं होत्था । अवसेसाणं दुवालसण्हं भारियाणं कोलघ-
रिया पगमेगा हिरण्णकोडी, पगमेगे य वप दसगोसाह-
स्सिपणं वणं होत्था ॥२३४॥

तेणं कालेणं तेणं समणं सामी समोसढे । परिसा
निग्गया । जहा आणन्दो तहा निग्गच्छइ । तहेव सावय-
धम्मं पडिज्जइ । नवरं-अट्ट हिरण्णकोडीओ सकंसाओ
उच्चारेइ, अट्ट वया, रेवईपामोक्खाहिं तेरसहिं भारियाहिं
अवसेसं मेहुणविहिं पच्चक्खाइ । सेसं सव्वं तहेव । इमं
च णं पयारूवं अभिग्गहं अभिगिण्हइ - “कल्लाकल्लि
कप्पइ मे वेदोणियाप कंसपाईप हिरण्णभरियाप संववह-
रित्तप” ॥२३५॥

तप णं से महासयप समणोवासप जाप अभिगयजी-
वाजीवे जाव विहरइ ॥२३६॥

तप णं समणे भगवं महावीरे बहिया जणवयविहारं
विहरइ ॥२३७॥

तप णं तीसे रेवईप गाहावइणीप अन्नया कयाइ
पुव्वरत्तावरत्तकालसमयंसि कुहुम्ब जाव इमेयारूवे अज्झ-
त्थिप ५- ‘पवं खलु अहं इमांसि दुवालसण्हं सवत्तीणं विघा-
पणं नो संचापमि महासयपणं समणोवासपणं सद्धि उरा-
लाइं माणुस्सयाइं भोगभोगाइं भुञ्जमाणी विहरित्तप । तं

सैयं खलु ममं पय्यओ दुवालस वि सवत्तियाओ अग्गिप-
ओगेण वा सत्थप्पओगेण वा विसप्पओगेण वा जीवियाओ
ववरोवित्ता, पयासि एगमेगं हिरण्णकोडिं एगमेगं वयं
सयमेव उवसं पडिजत्ताणं महासयणं समणोवासणं सद्धिं
उरालाईं जाव विहरित्तए” एवं संपेहेइ, २ ता तासि
दुवालसण्हं सवत्तीणं अन्तराणि य छिहाणि य विवराणि
य पडिजागरमाणी विहरइ ॥२३८॥

तए णं सा रेवई गाहावइणी अन्नया कयाइ तासि
दुवालसण्हं सवत्तीणं अन्तरं जाणित्ता छ सवत्तीओ सत्थप्प-
ओगेणं उह्वेइ, २ ता छ सवत्तीओ विसप्पओगेणं उह्वेइ,
२ ता तासि दुवालसण्हं सवत्तीणं कोलघरियं एगमेगं
हिरण्णकोडिं एगमेगं वयं सयमेव पडिवज्जइ, २ ता महा-
सयणं समणोवासणं सद्धिं उरालाईं भोगमोगाईं, भुज्ज-
माणी विहरइ ॥२३९॥

तए णं सा रेवई गाहावइणी मंसलोलुया, मंसेसु
मुच्छिया, जाव अउल्लोववन्ना बहुविहेहिं मंसेहिं य सोइलेहिं
य तलिपहिं य भज्जिपहिं य सुरं च महुं च मेरगं च मज्जं
च सोधुं च पसन्नं च आसाएमाणी ४ विहरइ ॥२४०॥

तए णं रायगिहे नयरे अन्नया कयाइ अमाघाप घुटे
यावि होत्था ॥२४१॥

तए णं सा रेवई गाहावइणी मंसलोलुया, मंसेसु
मुच्छिया ४ कोलघरिप पुरिसे सहावेइ, २ ता एवं वयासी-
“तुम्हे, देवाणुप्पिया ! मम कोलघरिपहिंतो वपहिंतो कल्ला-
कल्लिं दुवे दुवे गोणपोयप उह्वेइ, २ ता ममं उवणेह” ॥२४२॥

तए णं ते कोलघरिया पुरिसा रेवईए गाहावइणीए
'तह' त्ति पयमहुं विणप्पणं पडिसुणन्ति, २ सा रेवईए
गाहावइणीए कोलघरिपहिंतो वपहिंतो कल्लाकल्लिं दुवे दुवे

भोजनोपपद्यते, २ ता रेवईप गाहावहणीप उषणेन्ति ॥२४३॥

तप णं सा रेवई गाहावहणी तेहिं गोणमंसेहिं सोस्लेहि य ४ सुरं च ६ आसापमाणी ४ विहरइ ॥२४४॥

तप णं तस्स महासयगस्स समणोवासगस्स बहुहिं सील जाव भावेमाणस्स चोहेस संवच्छरा वीइक्कन्ता । पवं तहेव जेहं पुत्तं ठवेइ जाव पोसहसालाप धम्मपण्णत्ति उष-संपज्जित्ताणं विहरइ ॥२४५॥

तप णं सा रेवई गाहावहणी मत्ता, लुलिया, घिइण्ण-केसी, उत्तरिज्जयं विकइढमाणी २ जेणेव पोसहसाला जेणेव महासयप समणोवासप तेणेव उवागच्छइ, २ ता मोहुम्मा-यजणणाइं सिङ्गारियाइं इत्थिभावाइं उवदंसेमाणी २ महास-ययं समणोवासयं पवं वयासी-“हं ! भो ! महासयया ! समणोवासया ! धम्मकामया ! पुण्णकामया ! सग्गकामया ! मोक्खकामया ! धम्मकङ्किया ! ४ धम्मपिवासिया ! ४, किं णं तुभं, देवाणुप्पिया ! धम्मेण वा पुण्णेण वा सग्गेण वा मोक्खेण वा, जं णं तुमं मप सद्धि उरालाइं जाव भुञ्जमाणे नो विहरसि ?” ॥२४६॥

तप णं से महासयप समणोवासप रेवईप गाहावह-णीप पयमट्टं नो आढाइ, नो परिखाणाइ, अणाढायमाणे अप-रियाणमाणे तुसिणीप धम्मज्झाणोवगप विहरइ ॥२४७॥

तप णं सा रेवई गाहावहणी महासयययं समणोवासयं दोच्चं पि तच्चं पि पवं वयासी-“हं ! भो !” तं चेव भणइ, सो वि तहेव जाव अणाढायमाणे अपरियाणमाणे विहरइ ॥२४८॥

तप णं सा रेवई गाहावहणी महासयपयं समणोवा-सपेण-अणाढाइज्जमाणी अपरियाणज्जमाणी जामेव दिसिं वाउच्छूया तामेव दिसिं षड्ढियया ॥२४९॥

तप णं से महासयप समणोवासप पढमं उवासगपडिमं
उवसंपज्जित्ताणं विहरइ । पढमं अहासुत्तं जाव पक्कारस
वि ॥२५०॥

तप णं से महासयप समणोवासप तेणं उरालेणं जाव
किसे धमणिसंतप जाप ॥२५१॥

तप णं तस्स महासययस्स समणोवासयस्स अन्नया
कयाइ पुव्वरत्तावरत्तकाले धम्मजागरियं जागरमाणस्स
अयं अज्झत्थिप ४-“एवं खलु अहं इमेणं उरालेणं” जहा
आणन्दो तहेव अपच्छिममारणन्तियसंलेहणाप झूसियसरीरे
भत्तपाणपडियाइक्खिप कालं अणवकङ्कमाणे विहरइ ॥२५२॥

तप णं तस्स महासयगस्स समणोवासगस्स सुभेणं
अज्झवसाणेणं जाव खओवसमेणं ओहिणाणे समुप्पन्ने ।
पुरत्थिमेणं लवणसमुद्दे जोयणसाहस्सियं खेत्तं जाणइ
पासइ, एवं दक्खिणेणं, पच्चत्थिमेणं । उत्तरेणं जाव चुल्लहि-
मवन्तं वासहरपव्वयं जाणइ पासइ, अहे इमीसे रयणप्प-
भाप पुढवीप लोलुयच्चुयं नरयं चउरासीइवाससहस्सट्ठि-
इयं जाणइ पासइ ॥२५३॥

तप णं सा रेवई गाहावइणी अन्नया कयाइ मत्ता
जाव उत्तरिज्जयं विकइढमाणी २ जेणेव महासयप समणो-
वासप जेणेव पोसइसाला तेणेव उवागच्छइ, २ त्ता महास-
ययं तहेव भणइ जाव दोच्चं पि तच्चं पि एवं वयासी—
“हं ! भो !” तहेव ॥२५४॥

तप णं से महासयप समणोवासप रेवईप गाहावइ-
णीप दोच्चं पि तच्चं पि एवं बुत्ते समाणे आसुरत्ते ४
ओहिं पउअइ, २ त्ता ओहिणा आभोपइ, २ त्ता रेवइं गाहा-
वइणिं एवं वयासी-“हं ! भो ! रेवई ! अपत्थियपत्थिप !
४ एवं खलु तुमं अन्तो सत्तरत्तस्स अलसपणं वाहिणा

अभिभूया समाणी अट्टदुहट्टवसट्टा असमाहिपत्ता कालमासे कालं किञ्चा अहे इमीसे रयणप्पभाप पुढवीए लोलुयच्चुए नरए चउरासीइवासलहस्सट्टिइएसु नेरइएसु नेरइयत्ताए उववज्जिहिसि' ॥२५५॥

तए णं सा रेवई गाहावइणी महासयएणं समणोवास-
एणं एवं वुत्ता समाणी एवं वयासी—“रुट्ठे णं ममं महा-
सयए समणोवासए, हीणे णं ममं महासयए, अवज्झाया
णं अहं महासयएणं समणोवासएणं, न नज्जइ णं अहं केण
वि कुमारेणं मारिज्जिस्सामि” त्ति कट्टु भोया तत्था
तसिया उव्विग्गा संजायभया सणियं २ पच्चोसक्कइ, २ त्ता
जेणेव सर गिहे तेणेव उवागच्छइ, २ त्ता ओहय जाव
झियाइ ॥२५६॥

तए णं सा रेवई गाहावइणी अन्तो सत्तरत्तस्स अलस-
एणं वाहिणा अभिभूया अट्टदुहट्टवसट्टा कालमासे कालं
किञ्चा इमीसे रयणप्पभाप पुढवीए लोलुयच्चुए नरए चउ-
रासीइवासलहस्सट्टिइएसु नेरइएसु नेरइयत्ताए उववन्ना
॥२५७॥

तेणं कालेणं तेणं समएणं समणे भगवं महावीरे । समो-
सरणं जाव परिसा पडिगया ॥२५८॥

‘गोयमा !’ इ समणे भगवं महावीरे एवं वयासी-
“एवं खलु, गोयमा ! इहेव रायगिहे नयरे ममं अन्तेवासी
महासयए नामं समणोवासए पोसहसालाप अपच्छिममार-
णन्तियसंलेहणाए झूसियसरीरे भत्तपाणपडियाइक्खिए
कालं अणवकङ्कमाणे विहरइ । तए णं तस्स महासयगस्स
रेवई गाहावइणी मत्ता जाव विकइढमाणी २ जेणेव
पोसहसाला जेणेव महासयए तेणेव उवागया, मोहुम्माय-
जाव एवं वयासी—तहेव जाव दोच्चं पि, तच्चं पि एवं

वयासी। तप णं से महासयप समणोवासप रेवईप गाहा-
 बइणीप दोच्चं पि तच्चं पि पंच बुत्ते समाणे आसुरत्ते ४ ओहिं
 पउञ्जइ, २ त्त ओहिणा आभोपइ, २ त्ता रेवई गाहावइणि
 एवं वयासी-जाव “उववज्जिहिसि” । नो खलु कप्पइ,
 गोयमा ! समणोवासगस्स अपच्छिम जाव झूसियसरीरस्स
 भत्तपाणपडियाइक्खियस्स परो सन्तेहिं तच्चेहिं त्हिएहिं
 सळ्भूपहिं अणिट्ठेहिं अकन्तेहिं अप्पिपहिं अमणुण्णेहिं अम-
 णामेहिं वागरणेहिं वागरित्तप । तं गच्छ णं, देवाणुप्पिया !
 तुमं महासययं समणोवासयं एवं वयाहि -“नो खलु, देवा-
 णुप्पिया ! कप्पइ समणोवासगस्स अपच्छिम जाव भत्तपा-
 णपडियाइक्खियस्स परो सन्तेहिं जाव वागरित्तप । तुमे य
 णं देवाणुप्पिया ! रेवई गाहावइणी सन्तेहिं ४ अणिट्ठेहिं
 ५ वागरणेहिं वागरिया । तं णं तुमं पयस्स ठाणस्स आलो-
 षहिं जाव जहारिहं च पायच्छित्तं पडिवज्जाहि” ॥२५९॥

तप णं से भगवं गोयमे समणस्स भगवओ महावी-
 रस्स ‘तह’ त्ति पयमट्ठं विणपणं पडिसुणेइ, २ त्ता तओ
 पडिणक्खमइ, २ त्ता रायगिहं नयरं मज्झमज्झेणं अणुप्प-
 विसइ, २ त्ता जेणेव महासयगस्स समणोवासयस्स गिहे
 जेणेव महासयप समणोवासप तेणेव उवागच्छइ ॥२६०॥

तप णं से महासयप समणोवासप भगवं गोयमं पज्ज-
 माणं पासइ, २ त्ता हट्ट जाव हियप भगवं गोयमं बन्दइ
 नमंसइ ॥२६१॥

तप णं से भगवं गोयमे महासययं समणोवासयं एवं
 वयासी-“एवं खलु, देवाणुप्पिया ! समणे भगवं महावीरे
 एवमाइक्खइ भासइ पण्णवेइ परूवेइ-“नो खलु कप्पइ, देवा-
 णुप्पिया ! समणोवासगस्स अपच्छिम जाव वागरित्तप ।
 तुमे णं, देवाणुप्पिया ! रेवई गाहावइणी सन्तेहिं जाव वाग-

रिया । तं णं तुमं, देवाणुण्णिया ! पयस्स ठाणस्स आलो-
पहि जाव पडिवज्जाहि” ॥२६२॥

तए णं से महासयए समणोवासए भगवओ गोयमस्स
'तह' त्ति पयमट्ठं विणएणं पडिसुणेइ, २ ता तस्स
ठाणस्स आलोपइ जाव अहारिहं च पायच्छित्तं पडिवज्जइ
॥२६३॥

तए णं से भगवं गोयमे महासयगस्स समणावास-
यस्स अन्तिवाओ पडिणिक्खमइ, २ ता रायगिहं नयरं
मज्झमज्जेणं निग्गच्छइ, २ ता जेणेव समणे भगवं महा-
वीरे तेणेव उवागच्छइ, २ ता समणं भगवं महावीरं
वन्दइ नमंसइ, २ ता संजमेणं तवसा अप्पाणं भावेमाणे
विहरइ ॥२६४॥

तए णं समणे भगवं महावीरे अन्नया कयाइ रायगि-
हाओ नयराओ पडिणिक्खमइ, २ ता बहिया जणवयवि-
हारं विहरइ ॥२६५॥

तए णं से महासयए समणोवासए बहूहिं सोल जाव
भावेत्ता बीसं वासाइं समणोवासगपरियायं पाउणित्ता
एक्कारस उवासगपडिमाओ सम्भं काएण फासित्ता मासि-
याए संलेहणाए अप्पाणं झूसित्ता सट्ठिं भत्ताइं अणसणाए
छेदेत्ता आलोइयपडिक्कन्ते समाहिपत्ते कालमासे कालं
किच्चा सोहम्मे कप्पे अरुणवडिसए विमाणे देवत्ताए उव-
वन्ने । चत्तारि पल्लिओवमार्हं ठिई । महाविदेहे वासे सिज्झि-
हिइ ॥२६६॥

॥ निक्खेवो ॥

अट्टमं महासययज्झयणं समत्तं ॥

नवमे नन्दिणीपिया अज्झयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं सावत्थी
नयरी । कोट्टप चेइप । जियसत्तू राया ॥२६७॥

तत्थ णं सावत्थीप नयरीप नन्दिणीपिया नामं गाहा-
वई परिवसइ अइडे । चत्तारि हिरण्णकोडीओ निहाणप-
उत्ताओ, चत्तारि हिरण्णकोडीओ वड्ढिपउत्ताओ, चत्तारि
हिरण्णकोडीओ पवित्थरपउत्ताओ, चत्तारि वया दसगोसा-
हस्सिपणं वपणं । अस्सिणी भारिया ॥२६८॥

सामो समोसडे । जहा आणन्दो तहेव गिहिधम्मं
पडिवज्जइ । सामी बहिया विहरइ ॥२६९॥

तए णं से नन्दिणीपिया समणावासए जाए जाव विह-
रइ ॥२७०॥

तए णं तस्स नन्दिणीपियस्स समणावासयस्स बड्ढिं
सोलव्वयगुण जाव भावेमाणस्स चोइस संवच्छराइं वीइ-
फकन्ताइं । तहेव जेइं पुत्तं ठवेइ । धम्मपण्णत्तिं । वीसं
वासाइं परियाणं । नाणत्तं—अरुणएवे विमाणे उववाओ ।
महाविदेहे वासे सिज्झिह्दिइ ॥ २७१ ॥

॥ निकखेवो ॥

नवमं नन्दिणीपियऽज्झयणं समत्तं ॥

दसमे सालिहीपिया अज्झयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं सावत्थी
नयरी । कोट्टप चेइप । जियसत्तू राया ॥ २७२ ॥

तत्थ णं सावत्थीप नयरीप सालिहीपिया नामं गाहा-
वई परिवसइ अइडे, दित्ते । चत्तारि हिरण्णकोडीओ निहाण-

पउत्ताओ, चत्तारि हिरण्णकोडीओ वड्ढिपउत्ताओ, चत्तारि हिरण्णकोडीओ पवित्थरपउत्ताओ, चत्तारि वया दसगो-साहस्सिपणं वपणं । फग्गुणी भारिया ॥ २७३ ॥

सामी समोसढे । जहा आणन्दो तहेव गिहिधम्मं पडि-वज्जइ । जहा कामदेवो तहा जेट्ठं पुत्तं ठवेत्ता पोसहसा-लाए समणस्स भगवओ महावीररस धम्मपण्णत्ति उवसं-पज्जित्ताणं विहरइ । नवरं-निरुवसग्गाओ एक्कारस वि उवासगपडिमाओ तहेव भाणियव्वाओ । एवं कामदेव-गमेणं नेयव्वं जाव सोहम्मे कप्पे अरुणकीले विमाणे देव-त्ताए उववन्ने । चत्तारि पलिओवमाइं ठिई । महाविदेहे वासे सिज्झहिइ ॥ २७४ ॥

दसण्ह वि पण्णरसमे संवच्छरे वट्टमाणाणं चिन्ता । दसण्ह वि वीसं वासाइं समणोवासयपरियाओ ॥ २७५ ॥

एवं खलु, जम्बू ! समणेणं जाव संपत्तेण सत्तमस्स अङ्गस्स उवासगदसाणं दसमस्स अज्झयणस्स अयमट्ठे पण्णत्ते ॥ २७६ ॥

दसमं सालिहीपियऽज्झयणं समत्तं

१ वाणियगामे चम्पा दुवे य बाणारसीइ नयरीए ।
आलभिया य पुरवरी कम्पिल्लपुरं च बोद्धव्वं ॥ १ ॥
पोलासं रायगिहं सावत्थीए पुरीए दोन्नि भवे ।
एए उवासगाणं नयरा खलु होन्ति बोद्धव्वा ॥ २ ॥
सिवनन्द-भइ-सामा धन्न-बहुल-पूस-अग्गिमित्ता य ।
रेवइ-अस्सिणि तह फग्गुणी य भज्जाण नामाइं ॥ ३ ॥
ओहिण्णाण पिस्साए माया चाहि-धण-उत्तरिज्जे य ।
भज्जा य सुव्वया दुव्वया, निरुवसग्गया दोन्नि ॥ ४ ॥

१ एताः उपासकदशा-अज्ञगतविषयस्य संप्रहगाथाः पुस्तकान्तरे सन्ति ।

अरुणे अरुणामे खलु अरुणप्पह-अरुणकन्त-सिद्धे य ।
अरुणज्जप य छुट्ठे भूय-वडिसे गवे कीले ॥५॥

चाली सट्ठि असीई सट्ठो सट्ठी य सट्ठि दस सहस्सा ।
असिई चत्ता चत्ता पप वइयाण थ सहस्सा णं ॥६॥

बारस अट्टारस चउवीसं तिचिहं अट्टरसाइ नेयं ।
धन्नेण तिचोवीसं बारस बारस य कोडीओ ॥७॥

उल्लण-दन्तवण-फले अभिङ्गणुव्वट्टणे सणाणे य ।
वत्थ-विलेवण-पुप्फे आमरणं धूव-पेज्जाइ ॥८॥

भक्खोयण-सूय-घप सागे माहुर-जेमण पाणे य ।
तम्बोले इगवीसं आणन्दाईण अभिग्गहा ॥९॥

उड्डं सोहम्मपुरे लोलूप अहे उत्तरे हिमवन्ते ।
पञ्चसप तह तिदिस्सि ओहिण्णाणं दसगणस्स । १०॥

दंसण-वय-सामाइय-पोसह-पडिमा-अबम्भ-सच्चित्ते ।
आरम्भ-पेस-उद्दिट्ठवज्जप समणभूप य ॥११॥

इक्कारस पडिमाओ वीसं परियाओ अणसणं मासे ।
सोहम्मं चउपलिया महाविदेहम्मि सिज्झिहिइ ॥१२॥

॥ उवासगदसाओ समत्ताओ ॥

उवासगदसाणं सत्तमस्स अङ्गस्स पगो सुयक्खन्धो । दस
अज्झयणा पक्कसरगा दससु चेव दिवसेसु उद्दिस्सन्ति ।
तओ सुयक्खन्धो समुद्दिस्सइ । अणुण्णविज्जइ दोसु दिवसेसु ।
अङ्गं तहेव ॥



उवासगदसाओ सूत्र

परिचय

इस पुस्तक का नाम 'उवासगदसा' अथवा 'उवासगदसाओ' है जिसका संस्कृत 'उपासकदशा' अथवा 'उपासकदशाः' होता है। यह जैन भङ्ग ग्रन्थों में सातवाँ भङ्ग है। जैन भागवत साहित्य में कुल बारह भङ्ग हैं जिसमें से ग्यारहवाँ भङ्ग 'दृष्टिवाद' हजारों वर्षों से लुप्त हो गया है। विद्यमान ग्यारह भङ्ग अपने मूल परिमाण से बहुत कम हो गये हैं। 'समवाय' नामक चतुर्थ भङ्ग के वृत्तिकार श्री अभयदेवसूरी के अनुसार उवासगदसा में अग्यारह लाख बावन हजार पद थे। नन्दिसूत्र के वृत्तिकार श्री मलयगिरि भी इसका समर्थन करते हैं। प्राचीन समय में आत्मार्थी संत साधु धर्म-सूत्रों को कंठस्थ करके उनका प्रतिदिन स्वाध्याय करते रहते थे, परन्तु मगध देश में भारी दुष्काल पड़ने से उनकी स्मरण शक्ति कम हो गयी और शास्त्र विस्मृत होने लगे। ऐसे समय में उनकी रक्षा करने के लिए आचार्य स्कंदिल और आचार्य नागार्जुन ने श्रमणों के अलग-अलग सम्मेलन बुलाए और जो शास्त्र बच गये थे उनकी रक्षा की। फिर फिर ऐसी स्थिति उत्पन्न होने और उस से बचने के लिए महाप्रभावक जैनाचार्य श्री देवर्धिगणी क्षमा-श्रमण ने वलभीपुर में श्रमणों का एक विशाल सम्मेलन बुलाया और जिसको जितना पाठ याद था उसे ताड़पत्र आदि पर लिखवा दिया। उस समय प्रस्तुत उवासगदसाओ केवल आठ सौ अनुष्टुप्-लोक प्रमाण में ही उपलब्ध था और आज भी वह उसी आकार में हमें मिल रहा है।

अचेलक—दिगंबर जैन परम्परा में इसका नाम उपासकाध्ययन है। इसका परिमाण अग्यारह लाख सत्तर हजार पद बतलाया गया है परन्तु वर्तमान में इस परम्परा में भी इस सूत्र का परिमाण कम हो गया है।

उपासक-दशा अर्थात् उपासकों की याने भगवान महावीर के गृह-स्थधर्मी उपासकों की दशा याने अबस्था का वर्णन जिसमें आता है

उसका नाम उपासकदशा अथवा उवासगदसा । इस नाम का अर्थ यह भी हो सकता है कि जिस ग्रन्थ में दश संख्या वाले उपासकों की जीवनचर्या का वर्णन है उसका नाम उपासकदशा । इस प्रकार 'दसा' शब्द के दो अर्थ बतलाये गये हैं और नाम के अनुसार प्रस्तुत सूत्र में दश उपासकों की जीवनचर्या का वर्णन है अतः इस ग्रन्थ का नाम पूरा सार्थक है ।

टिप्पणियाँ

इस सूत्र की शैली समझने के लिए यहाँ पर कुछ टिप्पणियाँ दी जा रही हैं ।

१. प्रस्तुत सूत्र गद्यात्मक है और जहाँ किसी वस्तु का साहित्यिक दृष्टि से वर्णन करने का प्रसंग आया है उसका वर्णन वहाँ नहीं करके उस वर्णन को अन्य सूत्र से पढ़ने के लिए वहाँ पर 'वण्णओ' ऐसा शब्द रख दिया है, जैसे—चम्पा नामं नयरी होत्था । वण्णओ ॥ पुण्ण-भद्दे चेइए । वण्णओ ॥ वाणियगामे नामं नयरे होत्था । वण्णओ ॥ जियसत्तु नामं राया होत्था । वण्णओ ॥ (देखिए कंडिका १ और ३) इनका वर्णन औपपातिक—उववाइअ नाम के सूत्र में मिलता है जहाँ सूत्रकार ने इन सब का वर्णन कर दिखाया है । सूत्रकार ने बहुत से अन्य सूत्रों की भी रचना की है और सर्वत्र बारबार वर्णन न करना पड़े इस हेतु से अन्य सूत्रों में भी यथास्थान 'वण्णओ' शब्द का उपयोग किया गया है । ये वर्णन काफी लम्बे हैं । जिज्ञासु पाठक उनको औपपातिक सूत्र में से पढ़ लें ।

१. भगवान महावीरना दश उपासको (पं. बेचरदास जीवराज दोशी : गुजरात विद्यापाठ, अहमदाबाद, द्वितीय संस्करण, १९४८) नामक गुजराती पुस्तक में ऐतिहासिक बातें, ब्राह्मण, बौद्ध और जैन उपासकों की चर्या का तुलनात्मक अध्ययन, उवासगदसाओ का अनुवाद और उसके मुख्य शब्दों पर विवेचन दिया गया है । प्रस्तावना में काका साहेब कालेलकर का 'सत्पुरुषधर्म' नामक एक बड़ा निबन्ध भी है । विशेष जानकारी के लिए यह ग्रन्थ पठनीय है ।

२. जिस प्रकार वर्णमयीय प्रसंग को जाननेके लिए 'वण्णओ' शब्द का उपयोग किया गया है उसी प्रकार 'जाव' शब्द का उपयोग भी इसी हेतु से क्रिया गया है। 'वण्णओ' में पूरा वर्णन अभिहित है लेकिन 'जाव' में यह वर्णन सीमित है और इसके लिए वहाँ पर असुक्त शब्द से असुक्त शब्द तक ऐसा स्पष्ट बतलाया गया है, जैसे—'समोसरिए जाव जम्बू' (कंडिका-२) अर्थात् 'समोसरिए' शब्द से 'जम्बू' शब्द तक का प्रसंग, इससे अधिक नहीं। उसी प्रकार 'भगवया महावीरेण जाव संपत्तेसं', 'समणेण जाव संपत्तेण' (क. २), 'अड्ढे जाव अपरिभूए' (कं. ३), 'राईसर जाव सत्थवाहाणं', 'मेठीभूए जाव सव्वकज्जवड्ढावए' (कं. ५), 'अहीण जाव सुरूवा', 'सद्द जाव पच्चविहे' (कं. ६), 'रिद्धत्थिमिय जाव पासादिए' (कं. ७) इत्यादि अनेक ऐसे स्थल हैं जहाँ 'जाव' शब्द का निर्देश किया गया है। ये सब वर्णन भी औपपातिक सूत्र में उपलब्ध हैं, केवल अन्तर इतना है कि ये वर्णन 'वण्णओ' वाले वर्णनों से छोटे हैं।

३. अनेक जगह अध्याहार्य शब्द तथा अर्थ को जानने के लिए २, ३, ४, ५, ६ इत्यादि अंकों का उपयोग किया गया है उनका स्पष्टीकरण इस प्रकार है:—

क. जहाँ जहाँ २ अंक का उपयोग हुआ है, जैसे—निग्गच्छइ, २ ता। संपेहेइ, २ ता। पडिणिकखमइ, २ ता। उवागच्छइ, २ ता। और करेइ, २ ता। (कं. ९ और १०) वहाँ क्रियापद के मूल धात्वंश में 'इत्ता' पद लगाकर निग्गच्छित्ता, संपेहित्ता, पडिणिकखमित्ता उवागच्छित्ता और करित्ता रूप दुहराने चाहिए।

ख. 'असद्दहमाणे ३' से 'असद्दहमाणे अरोएमाणे अपत्तियमाणे' पढ़ना चाहिए (कं. ११३)।

ग. 'आउक्खएणं ३' से 'आउक्खएणं भवक्खएणं ठिइक्खएणं' पढ़ना चाहिए (कं. ९०)।

घ. 'पच्चक्खामि ३' से 'पच्चक्खामि मणसा वयसा कायसा' पढ़ना चाहिए (कं. १६) ।

ङ. 'लद्धा ३' से 'लद्धा पत्ता अभिसमन्नागया' पढ़ना चाहिए (कं. ११३) ।

च. 'संकिए ३' से 'संकिए कंखिए विइगिच्छासमावन्ने' पढ़ना चाहिए (कं. ८६) ।

छ. 'असर्ण ४' से 'असर्ण पाणं खाइमं साइमं' पढ़ना चाहिए (कं. ६६) ।

ज. 'आइक्खइ ४' से 'आइक्खइ भासइ पण्णवेइ परूवेइ' पढ़ना चाहिए (कं. ७९) ।

झ. 'आलम्बणं ४' से 'आलम्बणं पमाणं आहारे चक्खु' पढ़ना चाहिए (कं. ६६) ।

ञ. 'आसाएमाणी ४' से 'आसाएमाणी विसाएमाणी परिभुंजेमाणी परिभाएमाणी' पढ़ना चाहिए (कं. २४०) ।

ट. 'मुच्छिया ४' से 'मुच्छिया गिद्धा लोला अज्झोववन्ना' पढ़ना चाहिए (कं. २४२) ।

ठ. 'अज्झत्थिए ४' से 'अज्झत्थिए चितिए मणोगए संकप्पे' पढ़ना चाहिए (कं. ७३) । जहाँ ५ हो वहाँ 'पत्थिए' और जोड़ देना चाहिए (कं. ८०) ।

ड. 'अपत्थियपत्थिया ४' से 'अपत्थियपत्थिया दुरंतपंतलक्खणा हीणपुण्णचाउइसिया हिरिसिरिधिइक्तिपरिवज्जिया' पढ़ना चाहिए । जहाँ ५ हो वहाँ 'धम्मपुण्णसग्गमोक्खकामया' और जोड़ देना चाहिए (कं. ९५ और १३५) ।

ढ. 'आसुरत्ते ४' से 'आसुरत्ते रुदठे कुविए चंडिकिए' पढ़ना चाहिए (कं. १०५) । जहाँ ५ हो वहाँ 'मिसिमिसीयमाणे' और जोड़ देना चाहिए (कं. ९९) ।

ण. 'धम्मकंखिया ५' से 'धम्मकंखिया पुण्णकंखिया सग्गकंखिया मोक्खकंखिया धम्मपुण्णसग्गमोक्खकंखिया' पढ़ना चाहिए (कं. ९५) ।

त. 'धम्मपिवासिया ५' से 'धम्मपिवासिया पुण्णपिवासिया सग्गपिवा-
सिया भोक्खपिवासिया धम्मपुण्णसग्गभोक्खपिवासिया' पढ़ना चाहिए (कं.
९५) ।

थ. 'पुप्फ ५' से 'पुप्फेणं वत्थेणं गंधेणं मल्लेणं अलंकारेणं' पढ़ना
चाहिए (कं. ६६) ।

द. 'सिज्झहिइ ५' से 'सिज्झहिइ बुज्झहिइ मुच्चिहिइ परिनि-
व्वाहिइ सव्वदुक्खाणमंतं काहिइ' पढ़ना चाहिए (कं. १४४) ।

घ. 'इड्ढी ६' से 'इड्ढी जुई असो बलं वीरियं पुरिसक्कारपरक्कमे'
पढ़ना चाहिए (कं. ११३) ।

सूत्रों में 'समणे भगवं महावीरे जिणे सुहत्थी' ऐसा वाक्य आता
है वहाँ 'जिणेषु हत्थी' ऐसा पदच्छेद होना चाहिए अर्थात् जिनों में
-वीतरागों में हस्ती समान । 'जिणे सुहत्थी' ऐसा प्रथमान्त रखने में
'सुहत्थी' पद का कोई विशेष अर्थ नहीं दिखता और यह विशेषण
उचित अर्थ का बोध नहीं कराता क्योंकि भगवान महावीर न तो
शुभार्थी है और न ही सुखार्थी जैसा कि टीकाकारों ने समझाया है ।
अतः सूत्रों में प्रयुक्त 'पुरिसवरगंधहत्थी'पद के साथ तुलना करने पर
'जिणेषु हत्थी' पदच्छेद ही संगत प्रतीत होता है (देखिए कं. ७३) ।

अध्ययन के प्रारम्भ में 'उक्खेवो' शब्द हो वहाँ द्वितीय अध्य-
यन के प्रारम्भ में दी गयी पूरी कंडिका (नं. ९१) अध्ययन की संख्या
बदलकर पढ़नी चाहिए (प्रथम और द्वितीय अध्ययन को छोड़कर) ।

अध्ययन के अन्त में 'निक्खेवो' शब्द प्रयुक्त है । वहाँ पर
अध्ययनों की संख्या बदलते हुए 'एवं खलु, जम्बू ! समणेणं जाव उवासग-
दसाणं पढमस्स अज्झयणस्स अयमद्दठे पण्णत्ते त्ति बेमि' इस प्रकार
पढ़ना चाहिए ।

आजीविक सम्प्रदाय के नेता गोशाल और उनके सिद्धान्त का
वर्णन भगवतोसूत्र के पन्द्रहवें शतक, सूत्रकृतांग के दूसरे श्रुतस्कन्ध
के छद्मे अध्ययन और दोघनिकाय के सामञ्जसफलसुत्त आदि में भी
मिलता है । जिज्ञासु पाठक वहाँ से पढ़ सकते हैं ।

प्राकृत विद्या मण्डल

उद्देश्य—प्राकृत भाषा और प्राकृत साहित्य के अध्ययन का विकास, उसका प्रसार तथा उसके अभ्यासियों को सहायता करना।

प्रवृत्ति—पाठ्यपुस्तकों की कमी को दूर करने के लिए प्रयत्न करना, आवश्यकता पड़ने पर योग्य पुस्तकों का प्रकाशन करना और प्राकृत भाषा का अध्ययन करने वाले तेजस्वी विद्यार्थियों को उत्साहित करने के लिए छात्रवृत्ति देना।

प्रकाशन

- १ महावीरचरियं-आयरियसिरिगुणचंदविरइयं
छट्टो पत्थावो १-५०
- २ महावीर चरित-छट्टो प्रस्ताव
अनुवादक पं. श्री बेचरदास जीवराज दांशा १-००
- ३ भगवतीसूत्र, शतक पन्द्रहवाँ-गोशालक
अनुवादक-पं. श्री रूपेन्द्रकुमार ००-७५

